

經

海意菩薩所問淨印法門經

五
一之

上

似

C40
4514
94



78910123456789201234567893012345

了翁上座請大藏及有
家書置武州紫雲山
我微矣塔院直符中永
為學者不計許出院內
當山二世鐵牛機謹誌

海意菩薩所問淨印法門經卷第

宋中天竺三藏韋天試鴻臚卿光梵大師賜紫惟淨共法護奉

詔譯

如是我聞一時世尊住于如來神通境界大寶莊嚴
最勝道場大菩薩宮中而彼道場皆是如來威神建
立積集廣大勝福莊嚴圓滿廣大福智妙行現轉一
切佛法勝報顯示如來無邊神變加持之力善入無
礙境界大智一切見者生大喜悅入念慧行普偏運
行無動妙智于無邊劫修集無量衆功德聚而佛世
尊現證諸法平等覺道轉妙法輪能善調伏無邊學
衆已于諸法得自在善知一切衆生心意及諸根

B 64853

7 8 9 10 11 12 13 14 15 16 17 18 19 20 1 2 3 4 5 6 7 8 9 30

性已能到于最上彼岸。善斷一切種子習氣。得無發悟。佛身輕安。是時與大苾芻之衆六百八十萬人俱。皆住近心。悉斷一切煩惱種習。皆是如來法王之子。能善出生諸無所得。甚深法行。身相端嚴。威儀圓備。作大福田。正智具足。復有無量無數不思議無等比。不可說。不可說。諸大菩薩摩訶薩衆。悉獲無所得。菩薩智忍。已超菩薩灌頂之位。而能游戲無加行位。菩薩神通。得無盡陀羅尼。及諸菩薩陀羅尼門。于諸菩薩首楞嚴王三摩地中。而得自在。一切衆生觀喜樂。見已得菩薩諸無礙解。出生菩薩無發悟行。深心安。

住殊妙莊嚴。其名曰無盡藏菩薩摩訶薩。無量慧菩薩摩訶薩。無邊慧菩薩摩訶薩。無緣觀菩薩摩訶薩。常精進菩薩摩訶薩。精進慧菩薩摩訶薩。無斷辯才菩薩摩訶薩。無著無畏積菩薩摩訶薩。畢竟義慧菩薩摩訶薩。如是等無量無數不思議無等比。不可說。不可說。諸大菩薩摩訶薩衆。而共集會。尔時世尊。以菩薩行位方便。出生無障礙門。甚深正法。而用莊嚴諸菩薩道。成辦一切佛法。力無畏等真實智。行人一切法。最上自在。總持印門。入無礙解。決定出生大神通。智妙境界門。宣示一切不退轉輪普攝諸衆住平。

等理混入法界無分別性隨諸衆生根性意樂開示演說隨知真實決定正法破諸魔境以淡固法理止息一切煩惱見等入無著慧宣說普偏廣大回向善方便智入一切佛平等性智以無著加持法門如實決定宣說諸法于無分別非無分別悉入平等覺了甚淡緣生之法積集無量福智妙行佛身語心平等莊嚴隨知一切念慧行等無盡慧門以四聖諦理顯示聲聞乘法以覺了身心智顯示緣覺乘法以得一切智灌頂顯示大乘之法入一切法自在理中出生如來無邊功德是故如來開示演說施設表了分別

解釋顯明宣暢爾時世尊將說如是廣大甚深決定法時忽然于此三千大千世界之中大水充滿猶如大海下至地界上至大寶莊嚴最勝道場又如劫壞水災現時一切三千大千世界大水充滿下至水輪混如一海今此大水亦復如是然此三千大千世界如是大水一切充滿其中國土城邑聚落及諸人民悉無所壞亦無障礙及閻浮提諸四大洲乃至大海須彌山等欲界諸天一切宮殿悉無少分損壞障礙先現如是相已後復于此大水之中出現俱胝那庾多百千廣大蓮華其華高顯琉璃爲莖帝青爲枝闍

78910123456789201234567893012345678930

法華經疏卷第十一

三

似

浮檀金而爲其葉吉祥藏寶以爲其鬚碼礪爲臺真珠交絡一一莖有無數俱胝多百千葉其葉量廣一俱盧舍是諸蓮華于大寶莊嚴最勝道場中涌現虛空高一多羅樹一切大衆坐蓮華上于蓮華中隨其色相放大光明是光普照十方無量阿僧祇佛刹此諸光明廣照曜時而此會中一切大衆歎未曾有合掌恭敬咸作是言今現如是稀有瑞相將非世尊說妙法邪尔時慈氏菩薩摩訶薩見是廣大神變事已卽于所坐蓮華臺上偏袒右肩右膝著地合掌向佛恭敬頂禮而白佛言世尊何故今時先現是相而此說法中而有所問以是因緣先現瑞相尔時尊者舍

三千大千世界之中大水充滿混如一海其中復現俱胝那庾多百千蓮華高顯世尊昔所未聞昔所未見如是廣大稀有神變願佛爲說佛告慈氏菩薩言慈氏當知下方去此佛刹過十佛刹不可說俱胝那庾多百千微塵等數諸佛刹土有世界名無量功德寶無垢殊妙莊嚴彼土有佛號海勝持慧游戲出高神通如來應供正等正覺今現住彼說法教化彼有菩薩名曰海意與出過算數諸大菩薩摩訶薩衆將同來此娑婆世界瞻禮恭敬供養于我又復于我所說法中而有所問以是因緣先現瑞相尔時尊者舍

利子白佛言。世尊。彼海意菩薩去此甚遠。何故世尊說彼菩薩能聞此會佛說法邪。佛言。舍利子。如汝今時于我前聞所說正法。海意菩薩雖復住于彼世界中。而能聞我所說之法。亦復如是。舍利子。又如汝今現前觀我及諸大眾。彼海意菩薩能見我身及諸大眾。亦復如是。舍利子。言稀有世尊。諸菩薩摩訶薩所有神通智力不可思議。而彼海意菩薩居于極遠刹中。能以無障礙眼見此色相。無障礙耳聞此音聲。世尊。若有聞是諸菩薩摩訶薩不可思議功德威神者。其誰不發阿耨多羅三藐三菩提心。尊者舍利子作

是說時。二萬四千天子皆發阿耨多羅三藐三菩提心。尔時海意菩薩摩訶薩與彼出過算數諸大菩薩摩訶薩衆恭敬圍繞。同時瞻仰彼佛世尊。海勝持慧。游戲出高神通如來已。卽受教敕承彼如來神足通力。及無加行。菩薩已辦神通于一念間瞬目之頃。于彼世界隱伏身相。卽時于此娑婆世界大寶莊嚴最勝道場中。涌現虛空高一多羅樹干。最高廣蓮華臺上。師子座中安詳而坐。餘諸菩薩亦各處于蓮華臺座。下方世界無量無數諸佛刹中。復有無量無數菩薩之衆。隨從海意菩薩而來聽法。是時大寶莊嚴最

7 8 9

10

法華經疏卷第廿四

五

似

勝道場中所有十方世界普來集會一切菩薩摩訶
 薩衆皆悉處于蓮華臺座周匝充滿殊妙奇特而彼
 一切諸來大眾心生歡喜悉得清淨歎未曾有合掌
 頤禮彼諸菩薩時海意菩薩以彼無量功德寶無垢
 殊妙莊嚴世界之中諸勝妙華其華名爲無憂適悅
 愛樂喜見量廣一俱盧舍華有無數多百千葉隨其
 所應供養如來令諸菩薩一切見者淡心無垢宿世
 善根悉得清淨是諸衆會皆生歡喜悅意愛樂華有
 光明復有妙香此諸勝華于世尊前作供養已復用
 廣大殊妙華雨其一一華可七人量徧布充滿大寶

莊嚴最勝道場一切大衆悉得離生喜樂禪悅之味
 空中自然擊種種鼓鼓出微妙可愛之音一切大衆
 聞者悉得禪定妙樂尔時海意菩薩摩訶薩作如是
 等供養事已從空而下頭面著地禮世尊足右繞七
 币合掌恭敬住立佛前作是白言世尊海勝持慧游
 戲出高神遙如來問訊世尊釋迦牟尼如來少病少
 懨起居輕利勢力安不得妙樂邪時彼同來一切菩
 薩悉從空下亦各頭面禮佛足已右繞七匝各各還
 復本座而坐尔時此三千界有大梵王名大悲思惟
 居此梵世此四大洲無憂安隱忽然見是三千大千

1 2 3 4 5 6 7 8 9 10

30

世界大水充滿混如一海復有俱胝那庾多百千廣
大蓮華高顯出現種種勝相及此道場菩薩充滿見
是相已卽自思惟劫火未然壞相安有大水充滿此
復何緣將非如來神變力邪我今宜往問佛世尊此
稀有相何因何緣時大悲思惟大梵天王作是念已
卽與六萬八千梵衆隱于梵界恭敬圍繞來詣大寶
莊嚴最勝道場佛世尊前住虛空中曲躬合掌頂禮
世尊作是白言世尊何故今此三千大千世界大水
充滿混如一海復有俱胝那庾多百千廣大蓮華高
顯而出及諸菩薩大士皆悉處于蓮華座上而此三

十大千世界一切國土城邑聚落諸人民衆及閻浮
提四大洲等欲界天宮乃至大海須彌諸山悉無損
壞亦無障礙如是等相甚爲稀有此何因緣復何神
力願佛爲說尔時佛告大悲思惟梵天言大梵當知
下方世界有佛刹名無量功德寶無垢殊妙莊嚴其
佛世尊號海勝持慧游戲出高神通如來彼有菩薩
名曰海意與出過算數諸大菩薩摩訶薩衆而共來
此娑婆世界瞻禮恭敬供養于我又復于此廣大集
會正法之中而有所問是彼菩薩神通之力于此世
界先現瑞相梵天白佛言世尊大集會中所有正法

今尚說邪。佛言。大梵諸佛境界不可思議。所有如來智慧辯才及威神力。不憑限量。汝或見于如來。默然勿謂無說。而我常爲十方世界所來菩薩廣大宣說。決定正法。尔時大悲思惟大梵天王復白佛言。世尊。佛所說言現神變者。海意菩薩其誰是邪。佛言。大梵。今此會中有大蓮華。廣十由旬。華中有臺。臺上復有衆寶莊嚴師子之座。座中有一菩薩大士處于其上。身真金色。相好端嚴。惟除如來。餘諸菩薩所有身相。皆能映攝。有無數千菩薩之衆圍繞頂禮者。汝可見不答言。已見佛言。大梵圓具如是神通相者。即是海

意菩薩。是時大悲思惟。梵天乃向海意菩薩恭敬頂禮。已卽白佛言。世尊。若有衆生得聞如是海意菩薩名字之者。當知是人得大善利。我于今日聞此菩薩大士名字。得見菩薩如是色相。深自欣慶。快得善利。梵天復白佛言。世尊。此大集會正法當住。爲久如邪。佛言。大梵。今此正法隨佛壽量。久近而住。佛涅槃後。有諸菩薩于此正法受持讀誦。廣爲他人開示演說。何以故。大梵所有過去未來現在世中諸佛菩提。從此中出。爾時海意菩薩摩訶薩承佛神力。普爲此會一切大衆生歡喜故。及爲大悲思惟大梵天王起信。

敬故復爲莊嚴此正法故亦爲顯示已之智慧辯才力故卽時同彼高廣蓮華及師子座俱涌虛空高七多羅樹乃于空中說伽陀曰

下方過千塵數刹 有佛刹名功德嚴
彼佛化主現居中 其名海勝神通慧
刹中衆德皆圓具 菩薩依止無所畏
其佛如來說法門 我等聞已能持受
我等故來茲刹土 謹仰敬禮十力尊
其諸菩薩此所來 佛大牛王各伸問
我今禮此法王已 亦禮無比佛大智

所應供養隨所施 廣伸供養佛正覺
若能觀佛色無色 離受離行亦離識
三種領納此亦無 是中潔白常清淨
若無色相及種好 是爲正觀佛世尊
慧眼清淨照法身 乃見無垢真實義
若法無取亦無捨 二邊無我無我所
安住入人性宗然 止息心外諸所取
有無分別離分別 是心宗默如虛空
卽能供養諸世尊 于正法幢善建立
若觀諸法猶如幻 此中施受二皆空

雖知造作本所無 亦不捨離于諸法
而不決定求菩提 又不決定住生死
亦無施者無慳心 遠離施中諸過失
止息調宗身語心 隨行三業無逼惱
除諸煩惱息燒然 利智諸根常宗靜
雖知菩提無所得 不捨衆生住無我
爲度破戒諸衆生 修持廣大淨戒行
覺了諸法剎那性 亦不爲諸境所壞
內心宗靜若虛空 外觀世間猶如幻
節節支解于身分 亦復不起瞋恚心

乃至坐樹成菩提 堅持忍行佛所說
能觀諸法如水月 如泡如幻如陽燄
了知無壽亦無人 及無摩擎嚙迦等
菩提衆生雖無得 爲利他故求菩提
若聞此理怖不生 是中能發精進行
若能于心無所著 乃于外境不生厭
知他衆生心所行 于三世中隨順轉
令諸魔衆不能知 心之所行隨所轉
到于彼岸善住心 圓滿禪定神通慧
我聞諸佛所說法 隨所聞已能受持

設經無邊劫數中 佛之辯才不能斷
復于一切佛法中 衆生無墮亦無著
具智慧藏有力尊 三界自在宗默者
能到所到二俱離 是中無去亦無來
隨諸衆生心所行 是向無住亦無動
雖到彼岸具衆德 亦于衆德無取相
無比釋迦大牛王 是故我今伸頂禮
如日清淨大明曜 能蔽螢光星宿光
又如劫火映諸明 上騰梵世下至地
復如須彌大山王 持地亦持諸山等

釋迦牛王毫相中 最勝光明出三界
十方一切菩薩衆 皆從百佛刹中來
瞻佛色相及威光 一切皆生大歡喜
隨諸衆生心意願 如來各各爲開示
我知如來大威神 故從本土來斯刹
佛以一音演說法 隨諸衆生各知解
乃至衆生差別音 如來普爲隨宜說
一切衆生意差別 如塵如沙尚可數
牟尼種種妙音聲 量等虛空不可數
虛空不能度其邊 衆生不能窮其數

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

乃至生死先際中 亦復不能知其限

虛空邊量衆生數 生死先際尚可知

諸佛戒定慧境中 畢竟不能知少分

衆生無量咸歸命 牛王法主人中尊

多劫精修衆德嚴 色相邊際無比度

我佛具大威神力 徒知衆生諸信解

見此稀有難思尊 頂禮善調諸趣者

爾時海意菩薩摩訶薩說是伽陀已從空而下向佛合掌恭敬頂禮前白佛言世尊我于如來應供正等正覺今有所問若佛世尊聽許我者我卽當問佛告

海意菩薩言善男子恣汝所問如來應供正等正覺隨有疑者一一能爲宣示演說令心開曉海意菩薩乃白佛言世尊我先聞有諸菩薩自說淨印三摩地法門若有菩薩摩訶薩住是三摩地者而能速證阿耨多羅三藐三菩提菩薩應當云何獲得如是淨印三摩地門又復以何行相名爲自說云何是淨印何能得入彼境界門又諸菩薩若得聞是三摩地已云何速證阿耨多羅三藐三菩提惟願世尊善爲宣說余時佛告海意菩薩摩訶薩言善哉善哉菩薩大士今汝所問極爲賢善善男子汝應專一深固作意諦

聽諦受今爲汝說若諸菩薩得是自說淨印三摩地者卽能速證阿耨多羅三藐三菩提海意菩薩白佛言唯然世尊願樂欲聞于是海意菩薩受教而聽佛言海意若有菩薩于諸善根發勤精進善心具足住正定聚于生死中能以利根積集諸善爲善知識之所攝受諸佛威神之所建立因力具足常當親近諸佛世尊尊重恭敬以妙香華塗香末香華鬘衣服縉益幢旛而供養之若復得見諸佛如來具足相已或聞正法美妙言已或見圓滿清淨衆已又復得聞無礙之智或見如來神境智通或見如來調伏衆生諸

變化事或教誠神變或讚歎神變如是見已于衆生所常以大悲發阿耨多羅三藐三菩提心起大精進勤求善法于一切智心而不忘失以相應行清淨初心初淨已卽得清淨彼三摩地海意譬如種性所出大摩尼寶善治寶人授其掌中妙巧修治復加磨瑩乃至其實得清淨已彼治寶人卽自說言此摩尼寶去除虛假離諸瑕翳是爲清淨大摩尼寶諸有智者共所愛樂海意從菩薩種性發一切智心寶亦復如是畢竟能成阿耨多羅三藐三菩提故由彼菩薩初以宿世善根及現聞善法而用磨治彼一切智心

寶乃至是寶去除意中諸虛假法遠離過失十方三
世諸佛世尊共所愛樂而彼菩薩乃可自說獲得淨
印三摩地門海意又如清淨大摩尼寶離九種寶性
何等爲九一者金性二者銀性三者頗胝迦性四者
吠璠琉璃性五者碼碯性六者珊瑚性七者赤珠性八
者鷄薩梨寶性九者吉祥藏寶性離如是等九種寶
性已乃名悅意清淨光明大摩尼寶最勝無價轉輪
聖王之所受用乃非餘王而受用之又彼大摩尼寶
光明殊妙亦非餘寶光明等比海意諸菩薩一切智
心寶亦復如是而能超越九種寶性何等爲九一者

異生性。善實性。二者隨信行人寶性。二者隨法行人寶性。四者無相行寶性。五者須陀洹寶性。六者斯陀含寶性。七者阿那含寶性。八者阿羅漢寶性。九者緣覺寶性。超越如是九寶性已第十乃名一切諸佛共所加持。深心堅固大悲寶性。菩薩如是磨治。所發一切智心寶時。超勝一切聲聞緣覺。而能照明一切衆生相續種子。海意又如真實大摩尼寶。而能容受磨治堪任摧壓穿亦不壞。彼摩尼寶能于世間善所作用爲諸衆生施作福事。菩薩久植諸善根者。亦復如是。而彼所發一切智心寶。容受磨治堪任摧壓穿亦

不壞是寶真實離諸過失而彼一切智心寶能爲一切衆生作大饒益復次海意云何是爲能善磨治一切智心寶所謂先當具修三戒淨十善業慈心隨轉故以清淨心觀視一切衆生悲心隨轉故隨諸衆生何所作事皆往營助喜心隨轉故一切衆生諸有善法悉爲成辦捨心隨轉故于一切衆生而無損害無詣誑故其心正直無怠惰故于利益事淡心勤行心自在故卽能發起一切善根得正念正知善伏心故其心調暢常少欲故而能偏修頭陀功德能善資養生喜足故卽不斷聖種于師尊聖賢之所不生悔慢

故卽能謙下常起恭敬心安定故能離我慢及增上慢無濁亂故無不清淨心不恃己故能知自行不毀他故能護衆生離增上慢故能親近正法隨授法藥于諸義中能領解故是求法者于諸法中初淺次漸漸增廣故能具法欲修無諍行故卽常得法樂遠離非法故能勤求正法于三寶中常慚愧故能不斷淨信信業報故于一切善法中如理作意修正行故于威儀道隱密宗靜心不高故而常柔軟勤行奢摩他故能離掉舉慧善安住故無毀無譽安然不動故心如山王能離高下諸對礙故其心如地內意清淨故

其心如水無異想故其心如火無繫著故其心如風
妙無垢故心如虛空勤求出家故能令佛眼永不喪
失身能離故樂修宗靜之行心能離故常修正法之
行于諸所行不爲塵境之所盜故說真實語誓願昭
明故如說能行不爲煩惱所摧伏故心常清淨畢竟
無破壞故能修集淨戒乃至小罪猶懷懼故卽能于
戒無缺無壞不爲求生天故于戒不斷純一潔白行
故戒無濁染常能親近善知識故而得聞大菩提
提道眼清淨故得無礙光耳清淨故得無礙聲鼻清淨
故得無礙香舌清淨故得無礙味身清淨故得無礙

觸意清淨故得無礙法復次海意菩薩若欲離貪結
者應當常修不淨之觀欲離瞋結修慈心觀欲離癡
結修緣生觀欲除五蓋善觀五根欲拔諸障清淨五
力欲蠲現起諸煩惱故于出離道應常清淨修正行
故能離貪瞋癡慢等怖無慳心故能行法施無吝攝
故能行財施大菩提心常堅固故不樂餘乘之法內
心宋靜故能隱密諸根外境宗靜故善觀諸過失于
生死中常怖畏故不作諸罪心無懈倦故積集善根
而無厭足爲渡四流故常善修治大乘法船爲令衆
生到彼岸故善作橋梁菩薩常以不懈退心拔諸衆

7 8 9 10 1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

生出生死泥到安隱處海意菩薩若能具修如是諸行相者卽得圓滿布施之行亦能清淨持戒之行此爲菩薩能善磨治所發一切智心寶爾時世尊重說頌曰

先當善戒身語心 防護十種清淨業
慈心觀視諸衆生 一切智心此磨瑩
悲心助營他所作 喜心他法爲成辦
捨心不害諸衆生 一切智心此磨瑩
無詭詎故心常正 止罪能修利益事
淡心增長諸善根 一切智心此磨瑩

心自在故念正知 善伏心故心調暢
少欲能修頭陀因 一切智心此磨瑩
喜足善行于聖種 復常恭敬于師尊
而能不生輕侮心 我慢表慢皆遠離
定心不起增上慢 無濁亂故心清淨
不恃己故自了知 不毀他故爲他護
親近淡固妙法藥 離增上慢治諸病
稀法名爲求法人 勸求法乃具法欲
修無諍行名樂法 離非法故能求法
不壞三寶具信心 一切智心此磨瑩

7890123456789020123456789030123456789030

于不善中心懷愧

于諸如來起慚心

慚愧具足護諸根

一切智心此磨瑩

明了業報勝所作

信解不著邊執心

于緣生法不相違

一切智心此磨瑩

善護威儀修正行

心無高故常柔軟

掉舉不生正行修

一切智心此磨瑩

慧善住故無毀譽

安然衆觀如山王

堅固願中無退心

一切智心此磨瑩

苦樂無動心如地

意淨如水滌塵勞

心如火無異想生

心如風行無繫著

勤求出家佛眼明

勤求出家佛眼明

心如虛空妙無垢

勤求出家佛眼明

身離能修宗靜心

心離常依正法行

所行常說真實語

如說能行誓願明

清淨不爲染所摧

無破毀故修戒行

于戒無缺亦無壞

小罪能壞大懼心

護戒亦不求生天

戒常潔白無濁染

常能親近善知識

悉爲開明菩提心

無礙光明照世間

斯由獲得清淨眼

智者隨聞種種聲

不生欣樂不生厭

一切聲中表義無

斯由獲得清淨耳

鼻香舌味皆如是

身觸意法亦復然

觸等高下想不生

斯由獲得諸根淨

欲離貪染及瞋癡

當修不淨慈心觀

于緣生法復善修

一切智心此磨瑩

若欲除去五種益

應當善觀于五根

欲拔諸障之所纏

善住清淨于五力

知出離道除現障

離不淡固住淡固

于四念處常勤修

正斷神足亦如是

復常增進七覺分

聖凡正道亦增修

無貪無瞋怖不生

善護諸根離癡結

無慳能行于法施

不生鄙吝愛護心

于財無攝常施他

彼菩提心此成就

于諸財寶無稀取

不捨菩提不求報

爲攝衆生故常行

布施愛語利同事

于菩提心不捨離

亦不愛樂于餘乘

隨觀如來功德門

如須彌山心堅固

内心宗靜省已過

外護他非不譏毀

諸所作中離瑕疵

怖生死故不造罪

勤行善法無懈倦

嚴淨佛土不疲勞

護法不生滅失心

度脫衆生無退墮

常行修治大法船

濟渡四流生死海

復爲橋梁接衆生

引到涅槃安隱地

拔衆生出深淤泥

致于清潔無畏處

怖畏衆生施慰安

自度度他到彼岸

若于此法善成就

卽諸菩薩大無畏

彼能常淨菩提心

諸煩惱垢不能染

虛空無垢尚能染

空中鳥蹟尚可見

煩惱不染菩提心

自性本來常清淨

復次海意云何是爲菩薩于其所發一切智心寶堪任摧壓又復何謂摧壓行相海意若此菩薩于其一

切智心寶中或有破戒不可意人或復諸魔或魔徒衆或魔力所加魔宮賢聖或魔使者固來燒惱振擊勤搖期剋打擲當于尔時菩薩堅固大菩提心令無所壞亦復不壞度脫一切衆生大悲精進亦復不壞勤力護持令三寶種不斷不絕亦復不壞諸佛法中勤行積集一切善根亦復不壞爲成辦相好故積修福行亦復不壞爲嚴淨佛土故勇力增進亦復不壞爲護正法故不惜身命亦復不壞普爲度脫諸衆生故不著已樂菩薩若能如是漢心具足起如是意乃能于彼諸衆生所或遇瞋恚打擲罵辱譏毀之者菩

薩爾時悉能忍受。或爲一切衆生之所摧壓亦悉堪任。以其菩薩普爲救度。一切衆生不疲不懈不退不沒。增發勢力勇起精進。捍勞忍苦攝受心故。若有他人故來起瞋。菩薩爾時不以瞋對。他來打擲或復破毀。菩薩爾時皆不以對作是思惟我今應被大乘忍鑑。何以故。此大乘法與諸世間極相違故。世間衆生順生死流。我大乘法逆生死流。世間衆生互相違背。我大乘法令諸衆生斷相違故。世間衆生瞋恚熾盛。我大乘法忍力增强。世間衆生互相欺誑。我大乘法令諸衆生慧心圓滿。又復世間或有衆生周行十方。

執持器仗隨逐菩薩于諸方處。若行若住若坐若臥。或有一人發大菩提心者。或修布施心者。或修持戒忍辱精進禪定智慧心者。乃至或聞發一善根心者。我當隨于彼方處。斷割其身節支解。猶如棗葉。菩薩設遇如是等事。悉能堪忍。又若世間一切衆生不起少分燒動之心。所以者何。今我此身于無量無數生死之中。先際已來。徧歷諸趣。無所不作。或在地獄。或在餓鬼畜生等趣。乃至今在人趣之中。耽味飲食。諸欲受用。聽受非法艱苦。追求喪命資養多種逼

迫于已身命都無果利雖復多所營作不能自利亦不利他是故我今乃至生死後際之中設使一切衆生于我身分斷割支解寧受衆苦我終不捨一切智心亦復不捨一切衆生亦復不捨諸善法欲何以故今我此身多種逼惱苦切殘毀此地獄中所受之苦百分千分乃至優波尼殺曇分皆不及一是故我于佛法之中永不捨離亦復不捨度脫衆生所緣大悲何以故如佛所說一切善法多諸障難世間衆生多于不善法中而能營助少能營助于諸善法是故我今于善法中發勤精進營助修習非于不善法中而

助其力故我于彼一切衆生瞋恚等事悉能堪忍若諸衆生隨所起事我卽旋當施所對治若有衆生于我起瞋加復嫌恨我卽施其忍辱之法由我施彼忍辱法已忍力現故我于彼所寧捨身命終不起瞋是故菩薩若如是修卽不難得阿耨多羅三藐三菩提法斷法云何謂若愛樂于身若繫屬身若取著身如是等法皆悉捨離由能如是棄捨身故瞋恚不起海意菩薩若于如是等法能善思惟勤修習者卽能堪任一切衆生之所摧壓于一切智心不壞不失

海意當知堪任摧壓有其三種一者堪任摧壓于身
二者堪任摧壓于語三者堪任摧壓于心

海意菩薩所問淨印法門經卷第一

校讎

五葉丸行土字北藏作刹字

九葉三行當作之名字

名字之三字

倒二十一葉五行此字當作比

音釋

海虞信官嚴澂助刻于寒山化城菴

海意菩薩所問淨印法門經卷第一

宋中岳三藏朝散大夫試鴻臚卿大師贊慈惟淨共法護奉

詔譯

復次海意云何是爲菩薩堪任摧壓于身謂若菩薩
或遇身分欲斷壞時菩薩應當依法觀營餘諸衆生
又若有具善巧方便菩薩即能修行圓滿六波羅蜜
何等行相是爲善巧方便菩薩圓滿六波羅蜜所謂
菩薩或遇己身欲斷壞時若不惜其身棄捨其身亦
不愛樂此卽能修施波羅蜜又復若遇身欲壞時于
一切衆生起大慈心而不棄捨此卽能修戒波羅蜜
又復若遇身欲壞時菩薩爲度一切衆生故設身斷

壞堪任忍受其心不動忍力發現此卽能修忍波羅蜜又復若遇身欲壞時不捨一切智心發大精進勇力攝受于生死中起諸善根此卽能修精進波羅蜜又復若遇身欲壞時于其所發一切智心寶而不棄捨當善伺登大菩提心如是伺登內外宋靜此卽能修定波羅蜜又復若遇身欲壞時菩薩應當伺登其身猶如艸木土石等類悟了已身不實如幻如實義者諸行無常諸行是苦諸法無我涅槃宋靜若能如是諦督其身此卽能修慧波羅蜜如是行相是爲菩薩修行圓滿六波羅蜜乃得不退轉于大乘之法此

等名爲菩薩堪任摧壓子身復次海意云何是爲菩薩堪任摧壓于語謂若菩薩或有人來若虛若實惡言譏毀瞋恚罵辱菩薩余時堪任容受不起瞋恚斷彼怨縛又若有具善巧方便菩薩或遇他來惡言譏毀罵辱之時菩薩聞已應當修行圓滿六波羅蜜何等行相是爲善巧方便菩薩圓滿六波羅蜜所謂菩薩或遇他來惡言譏毀罵辱之時菩薩聞已卽作是念此人先世造慳吝因由如是故慳吝垢染今所發現亦復不曾親近善友是故此人不捨于瞋我今爲說斷瞋之法何以故我能信解施捨法故不慳吝故

7 8 9 10 1 2 3 4 5 6 7 8 9 10

經

卷一

二

以

1 2 3 4 5 6 7 8 9 10 1 2 3 4 5 6 7 8 9 10

亦曾親近諸善知識是故我今護其惡語捨離瞋恚此卽能修施波羅蜜又復他來譏毀罵辱菩薩爾時卽作是念此人破戒惡業發現故來瞋恚罵辱于我我今修集清淨禁戒故我于彼不生瞋恚我復守護菩提心故念業報故此卽能修戒波羅蜜又復他來譏毀罵辱菩薩爾時卽作是念此人麤猛過失多所瞋恚故來譏毀罵辱于我我今具其忍辱之力廣修慈行故我于彼不生瞋恚此卽能修忍波羅蜜又復他來譏毀罵辱菩薩爾時卽作是念此人懈怠遠離善法故來于我瞋恚罵辱今我發起廣大精進勤行

修習植諸善本曾無厭足我願此人先得坐于菩提道場我乃最後取證阿耨多羅三藐三菩提果若被如是精進鎧者此卽能修精進波羅蜜又復他來譏毀罵辱菩薩尔時卽作是念此人失念復不正知而亦不能止息煩惱故來于我瞋恚罵辱今我止息煩惱正念正知專注一境復不忘失大菩提心我今應爲此等衆生不調伏者不宗靜者不護諸根者不止息者作利益故被大乘鎧若能如是安定心者此卽能修定波羅蜜又復他來譏毀罵辱菩薩爾時卽作是念此人執著我相情見有所得境故來于我譏毀

罵辱今我依法子已起瞋若未起瞋二種之中如實
伺晉瞋者瞋法皆不可得如理推求若自若他而悉
遠離有所得見故能堪任此卽能修慧波羅蜜海意
如是行相是爲善巧方便菩薩修行圓滿六波羅蜜
乃得不退轉于大乘之法此等名爲菩薩堪任摧壓
于語復次海意云何是爲菩薩堪任摧壓于心謂若
菩薩遇諸魔來相燒壞時菩薩應當堅固不動大菩
提心又復一切衆異之語以有所得有所著相來相
燒時亦應如實安住内心于一切智心勿當忘失何
以故彼魔有大威力乃至最後變佛形像來現汝前

作如是言汝于大乘法中何有能力能汝宜棄捨如是
重擔止息所行勤苦精進菩提難得佛法難得于生
死中徒歷多苦今汝大士若欲息其苦者宜速取證
聲聞涅槃若諸菩薩或遇魔來以如是相故燒壞時
當被如先堅固之鎧不應棄捨亦當内心無動無壞
若如是者卽于無等等心不能滅沒菩薩尔時乃作
是念我當決定詣菩提場我當決定以大智力摧魔
軍已然後取證阿耨多羅三藐三菩提果我當決定
轉妙法輪我當決定普于三千大千世界說廣大法
我當邀以一切衆生普與法施悉令滿足一切諸佛

789101234567892012345678930123456789

以他心智照明于我一切賢聖證知我此大菩提心
實能堪任諸所摧壓我不虛誑一切諸佛一切賢聖
一切衆生乃至亦不自爲虛誑海意若諸菩薩如是
修者卽能堪任摧壓于心乃得不退轉于大乘之法
此等行相是爲菩薩于其所發一切智心寶堪任摧
壓若干忍辱波羅蜜被堅固鎧卽于精進波羅蜜而
不懈退若復此二波羅蜜中能圓滿者是卽菩薩摩
訶薩于一切智心寶堪任摧壓尔時世尊重說頌曰
大菩提道心不壞 亦復不壞大悲心

于三寶中善護持 積集佛法亦無失

三十二相八十好 十力莊嚴妙相身
多種修作禮智圓 堪任摧壓故無退
佛土功德無邊量 我願力故悉嚴淨
法寶無上最勝門 我願堅固常守護
多百衆生無邊際 我願普令得度脫
內心不壞利樂因 是故堪任于摧壓
所有十方世界中 乃至無邊衆生界
普盡一切諸衆生 各執器仗來逼惱
作大恐怖生瞋恚 如是期克而打擲
菩薩爲修功德因 起勇勝心能堪忍

經歷無邊多百劫 從本生死先際來
衆生惡言罵辱時 彼菩薩心無惱害
爲大智故能堪忍 不生忿怒不生瞋
如是摧壓隨了知 故能忍受得清淨
又復普盡諸衆生 各執器仗來加害
于我身分悉支離 乃至段段而破析
菩薩尔時心無動 不生少分瞋恚心
大菩提意堅固持 堪任摧壓此清淨
菩薩若行若復住 坐臥威儀他所隨
于中伺求或有人 大菩提心不捨者

或行布施等諸行 或復發起餘善心
卽當斷割彼人身 節節支解而離散
菩薩設遇此苦時 亦于此人心生喜
思念無邊百劫來 徒歷諸趣靡不作
地獄鬼畜三塗界 乃至今得生人中
身雖破壞果不無 爲求佛智身棄捨
今我雖得于人身 無數衆苦常逼迫
若比阿鼻地獄中 此苦百分不及一
我寧處彼地獄中 忍受其苦經百劫
佛及正法與衆生 此三我終不棄捨

我觀此身無常法

刹那滅滅猶如幻

四界虛假共合成

佛說此四如蛇毒

我若棄捨于此身

遠離身中諸毒害

彼煩惱毒欲消除

自他成佛自然智

今我此身處世間

多怖畏事生恐怖

爲求身諸安樂緣

因諸所欲飲食等

我若棄捨于此身

止息諸緣離諸怖

若能解入此思惟

卽能堪任諸摧壓

世間衆生多百千

不善法中常營助

少人能于善法中

隨應勤力而營助

故我于諸不善法
是中不復助其力
我當助修忍辱門
忍辱之言佛所說
所有十方一切佛
一一皆爲證明我
如我所起決定心
于佛棄中永不壞
彼大威力諸賢聖
亦悉證我堪忍心
我所堪任摧壓因
是中不作諸過失
如佛所說身語意
此三摧壓有多種
彼彼更猛悉堪任
如先所說皆不壞
是身具有多種苦
彼一一苦無邊際
于如是苦若堪任
能身摧壓而清淨

若身遭苦而離散
六波羅蜜若圓成
所謂布施及持戒
最勝慧等若同修
或時若能棄捨身
余時應當如是修
若干眾生廣行慈
現證菩提攝受因
其身設欲斷壞時
由斯忍力若勤行
節節支解斷壞時
彼善方便大智德
須臾攝受皆圓滿
亦復不愛而不惜
圓滿布施波羅蜜
卽不破毀淨戒行
圓滿淨戒波羅蜜
應當堅固忍辱力
圓滿忍辱波羅蜜

精進重儉何無倦
身雖破壞力堅持
其身設欲斷壞時
于諸煩惱塵暗中
爲修禪定解脫力
普令眾生得離塵
我觀此身實無我
作者受者二俱無
于身艱苦纏縛中
到勝彼岸自他圓
內心亦復不生厭
圓滿精進波羅蜜
不念棄捨菩提心
勤力爲令皆消滅
寧當破壞于己身
圓滿禪定波羅蜜
是身如幻復如電
是中實無有少法

若能于此淡固法

方便思惟常善修

彼能堪任摧壓身

是中不起諸過失

菩薩若時聞惡言

不善譏毀而輕謗

聞已不生瞋恚心

能起慈心善調伏

棄捨瞋恚諸過失

清淨布施波羅蜜

慈心廣大普運行

清淨持戒波羅蜜

忍力發現彼對治

清淨忍辱波羅蜜

數起精進佛智求

清淨精進波羅蜜

于諸境中定其心

清淨禪定波羅蜜

了不可得諸音聲

清淨勝慧波羅蜜

菩薩聞諸惡言已

應當思惟于淡法

堪任摧壓于語言

是故不著諸過失

假使百千諸魔衆

衆異外見悉從來

勸令棄捨方便修

菩提分位言難得

菩薩尔時心不動

勢力增進轉精修

是故堪任摧壓心

多種摧壓皆無壞

忍辱精進此二行

善修安住如山王

諸所摧壓悉堪任

諸眾生同一勇猛

磨治心寶摧壓者

如來十力悉能知

得見現證菩提尊

亦復得受成佛記

復次海意云何是爲菩薩于其所發一切智心寶穿亦不壞謂若菩薩于彼一切智心無所領納無所依著亦無所住不出不入無戲論無分別壞諸分別無所安立當以正智于甚深法如實同登何等是爲彼甚深法所謂隨順緣生之法如實覺了無因所緣不斷不常遠離邊見自性無我我無自性故一切法亦無自性諸法本來生無所生解了于空信順無相無願無求于真實慧無所造作畢竟無常色如聚沫受如浮泡想如陽燄行如芭蕉識如幻法諸界無所動諸入互相生心無所住亦無作意于增上所作非增

上所作于平等法如實覺了無種種行相等同一味而悉同住一乘之道修道行智依于勝義以智了知于義無著彼一切聲悟入非聲智知一切聲前後際斷故文義二種智入無二現證諸法不可說義無我義是苦智畢竟義是集智不和合義是減智有爲無爲平等悟入是道智離前後際是身念處生滅無住是受念處觀無所緣是心念處法界非界性平等平等義是法念處心自在義是四正斷離諸障礙是四神足出生義是信根無念是精進根無作意是念根超越戲論是定根無他信是慧根所緣無障礙是信

力通達諸力是精進力心止息住是念力無所動轉
是定力于念隨念是慧力于一切法平等相應是念
覺分不出不入是擇法覺分無我所是精進覺分身
心善住是喜覺分平等覺悟是輕安覺分離二法是
定覺分遠離諸見是捨覺分一切分別無分別中離
諸偏計是正見一切音聲平等悟入是正思惟離身
心法是正語一切所作悉得輕安名爲正業無高無
下是正命若善不善隨施設已平等而住是正勤于
心所緣平等悟入是正念宗靜安住妙奢摩他是正
定于見非見而悉清淨無所生義是無常義本來不

生義是苦義無所行義是無我義止息義是宗滅義
善調伏心是布施義住清涼性是持戒義隨知盡法
是忍辱義于一切法能善決擇是精進義止息內心
是禪定義如實了知諸法無相是勝慧義一切眾生
本來清淨是慈義與虛空等是悲義喜無所得是喜
義一切發行皆悉究竟是捨義一切諸法先際已來
三輪清淨是空義後際清淨是離義現在清淨是無
我義海意若諸菩薩于如是等諸甚深法無起無滅
離諸文字與虛空等于順于違皆入平等若能如是
思惟觀督如實所行而彼菩薩即能于其所發一切

智心寶穿亦不壞雖復如是穿彼一切智心而無發悟卽于諸法自在理中乃能現證海意譬如日月各處自宮于四大洲周徧普照而彼日月天子都無發悟亦不作是念我不能往諸方處或復不往而爲照曜但由一切衆生福果報力照明知如是海意彼具善決擇智慧薩亦復如是雖于無量諸佛刹中廣爲衆生作大利益而彼菩薩都無發悟未嘗數起諸作意想然彼所作隨應發現復次海意若具決擇智慧薩應于定波羅蜜及慧波羅蜜中如理伺營何以故住等引心菩薩不修觀法修觀行菩薩不住等引心若復

修觀行者彼卽有慧由有慧故能善觀營何所觀營所謂觀于諸法實相云何是爲諸法實相若干諸相而無所行此卽是爲諸法實相何等是諸法相謂有所表卽諸法相如是表中如實之相此亦說名諸法實相若復如是一切了知卽能悟達無相無無相何者是相何者是無相相卽是生無相是滅若無相無無相卽無生亦無滅若法無生亦無滅者卽諸法性本來常住法界無壞真如無動實際不變如是法性此卽說名如實解了緣生之法覺悟諸法真實之相現證實際無二真理如是乃以現量智知海意此卽

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

名爲具足擇智菩薩摩訶薩當佛世尊宣說如是感受磨治堪任摧壓穿亦不壞法時此會中有十那庾多天人悉發阿耨多羅三藐三菩提心萬六千菩薩皆得無生法忍尔時世尊重說頌曰

菩薩若聞菩提心

乃能貫穿一切法

卽此所有貫穿智

于諸法中無所著

雖復了知甚深法

菩薩于中不生怖

而亦不起恐懼心

彼能獲得最勝道

諸法若因若所緣

如實覺了緣生法

有慧隨順諸法生

而實不執于邊見

諸法若斷若常中
覺了中際亦復然
若法自性本無我
諸法無性亦復然
諸法無生亦無起
遠離戲論無相門
無心亦復無求願
現觀諸色自性中
受如浮泡暫起滅
行如芭蕉中不堅
諸法若斷若常中
智者不生于著礙
是故實際不思議
是中我亦無自性
本來不生皆空宗
空無所取常清淨
一切皆是虛空等
其猶聚沫知無實
想如陽燄妄相生

所有四界性無動 與彼虛空界同等
內外諸入亦復然 境互相生而冥默
應知心法不在內 亦非于外有所得
意法無我亦復然 是中諸識皆無住
彼一切法無作意 而亦遠離于我相
于一切法平等中 如實覺了于正性
法本一味無異性 一道一乘皆同等
道智如實若了知 此義顯示于勝義
智者于義能悟入 觀聲非聲能覺了
世間所有一切聲 前際後際二俱斷

若文若義雖然解 于中了知無二法
解此不可說義門 卽能現證真實性
諸法不生是苦智 諸法平等是集智
諸法盡義是滅智 諸法無爲是道智
于彼身受心法中 如理隨觀一一法
無念復無作意行 此說是爲四念處
若觀法界非界性 平等正盡而平等
無斷之斷正法門 此說是爲四正斷
于心若得大自在 此說是爲四神足
超越一切有著心 此即是名爲四根

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

若于一切法宗靜 此說名爲精進根
無念之念正法門 此說是名爲念根
若了諸法無作意 此說是名爲定根
超越諸法戲論門 此說是名爲慧根
若法不起于他信 即能獲得真實智
于心亦無所覺知 此名信力精進力
若了無生無滅智 此即是名爲念力
宗定于心無所行 此即定力得成就
非有非離于分別 此即是名爲慧力
諸法義中實覺知 此說是爲七覺分

于法平等無差別 此說是名爲正見
無二法中如實觀 無生是觀諸正道
無生是爲無常義 無起是名爲苦義
無行是名無我義 止息句是宗靜義
調伏心即是布施 宗靜心即是持戒
盡法隨向是忍門 正慧伺督名精進
畢竟宗止是禪定 了知此說名爲慧
衆生本來清淨心 清淨適悅是爲喜
與虛空等名爲悲 清淨適悅是爲喜
一切所緣無住心 此說是名爲捨行

若復三輪得清淨 卽能了知一切法

如是貫穿諸法門 而復不斲諸見執

此中所有定及慧 卽此二法能貫穿

偏入無量境界門

此說是名正法智

尔時世尊復告海意菩薩摩訶薩言。海意若菩薩得如是淨徧淨已于一切衆生所起無虛假意。若爲衆生之所摧壓不生逼惱及諸障礙得善覺了智得決定慧而彼菩薩卽能于此自說淨印三摩地根本無住中住云何是爲安住三摩地根本。謂于一切衆生無障礙故。起大悲故。若得一切衆生常所恭敬心亦

不高若不恭敬心亦不下。由是故卽法無所起亦不生慢心。是故乃能隨住諸境。不住癡法能生法智。普徧皆得智爲先導身業具足爲先導語業具足。智爲先導意業具足。若身語等諸所作業。一切皆以智爲先導。菩薩卽能隨智而轉。云何是菩薩智爲先導身業具足。謂若衆生應見色身而可化度及調伏者。菩薩卽當現威儀相令彼衆生心得調伏。菩薩雖復如是現相。然無發悟亦無分別。若或菩薩身起過失。愛著于身。身起異相。身行屈曲。身有動亂。身生計度。若如是者。而彼菩薩諸有過失集現其前。如斲多

羅樹心而于諸法後不復生又若菩薩身得清淨一切勝相莊嚴其身手足柔軟殊妙可愛成福生身諸根無劣身分圓滿菩薩雖具如是莊嚴之身然于色相亦不驕恃身雖嚴好而不生于和合之想菩薩若見一切衆生種種色相有缺壞者菩薩尔時不起慢心爲求法故謙下恭敬所以者何若自身法性與一切衆生身之法性皆悉平等依止于智菩薩于身及身法性悉了知已卽得法身不受分段身何名法身謂以禪悅而爲飲食非分段食菩薩爲欲順世間故愍衆生故示現受彼世間之食不爲身支治瘦劣故

菩薩但于法身以其法命而爲資養非假世間段食所資何名法命謂所資養不從因緣所造作故不越聖行何名聖行所謂無貪無瞋無癡離諸煩惱隨所施設密護于戒是名聖行菩薩由此智爲先導身業具足故獲諸智通神力成就以無發悟心于一切佛刹中普爲現身隨諸佛刹一一衆生應見菩薩色相光明莊嚴身者菩薩卽住無所發悟無分別中具足光明莊嚴身相干其身中放大光明是光普照無量無數諸佛刹土一切地獄惡趣衆生蒙光照觸悉得快樂由快樂故樂觸現前得樂觸故一切衆生煩惱

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

燒然皆悉止息咸得清涼身心調暢彼諸衆生得調暢故善作佛事海意如是等法名爲菩薩智爲先導身業具足復次海意何名菩薩智爲先導語業具足謂若菩薩凡出語言而常遠離語中一切麤惡過失海意何名語中麤惡過失所謂菩薩常當遠離六十四種語之過失何等六十四一者菩薩無麤澀語二者無濁亂語三者無壞器聲語四者無衰弱聲語五者無極高聲語六者無極下聲語七者無猛惡聲語八者無堅硬語九者無饗吃語十者無逼惱語十一者無離散語十二者無燒然語十三者無迷惑語十四者無怨恨語十五者無齷切語十六者無染著語十七者無呻吟語十八者無童稚語十九者無震吼聲語二十者無熾盛語二十一者無振觸語二十二者無不知時語二十三者無貪隨卑語二十四者無瞋障礙語二十五者無癡狂亂語二十六者無驚怖語二十七者無慢執語二十八者無作破壞語二十九者無詭曲語三十者無高慢語三十一者無離慢卑下語三十二者無隨愛覆藏語三十三者無非愛許露語三十四者無不實說語三十五者無缺失語三十六者無虛妄語三十七者無鬪亂語三十八者

法華經疏卷第十一
法華經疏卷第十一
四
東京大学総合図書館所蔵

無兩舌語三十九者無忘口語四十者無绮語四十
一者無破朋友語四十二者無極利語四十三者無
極柔嬾語四十四者無凡俗語四十五者無不藏護
語四十六者無繁多語四十七者無瞋害語四十八
者無鬪諍語四十九者無貶劣語五十者無動亂語
五十一者無輕浮語五十二者無面譏語五十三者
無戲劇語五十四者無訛音語五十五者無非法語
五十六者無離間語五十七者無自讚語五十八者
無毀他語五十九者無_誣詬語六十者無激動語六
十一者無違背佛法僧_師六十二者無毀謗賢聖語

六十三者無非理作證語六十四者無一切麤惡過
失等語海意如是六十四種語中過失菩薩凡所發
言皆悉遠離卽得語業清淨凡所發言皆說無間斷
語說如實語說正真語說誠諦分位語說隨諦轉語
隨入一切衆生語言知一切衆生意樂令諸衆生皆
生歡喜照明一切衆生根性息諸煩惱住佛威神任
持正法所發語言分明顯了美妙可愛離諸過失皆
由福行之所成故不生于貪攝功德語不生于瞋恚
無源底不生于癡十方世界施設語言非無義利隨
往一切處皆無作相海意此爲菩薩智爲先導語言業

具足復次海意。何名菩薩智爲先導意業具足。所謂菩薩刹那于一心中偏入一切衆生心行皆悉明了。住三摩呬多中現諸威儀事然亦不起彼三摩地。一切魔衆悉不能知菩薩心業偏入一切聲聞緣覺之心。彼亦不知而是菩薩終不生心自害害他亦不俱害非心意所表無少法中而生障礙于一切法中起智了知由彼心意無表了故卽無所了知不受而受未具佛法亦不減受而爲取證海意此名菩薩智爲先導意業具足海意如是等法是爲菩薩安住自說淨印三摩地根本此根本者謂卽菩薩身語意業皆

以智爲先導。由其二業智先導故。卽能獲得自說淨印三摩地法。海意當知有十種法。此三摩地名爲自說何等爲十一者。初發起行。名爲自說。淡心清淨故。二者菩薩之行。名爲自說。六波羅蜜多清淨故。三者顯示潔白之行。名爲自說。一切善法清淨故。四者相好圓滿之行。名爲自說。無礙福行清淨故。五者得辯才。行名爲自說。隨聞法行。善令他得清淨故。六者念定不散亂。智名爲自說。遠離一切麤重蓋障。現起煩惱清淨故。七者菩提分法。智名爲自說。不放逸清淨故。八者表示奢摩他。毘鉢舍那智。名爲自說。心意識

清淨故九者十地次第之智名爲自說一切對治建立法中超越障礙悉清淨故十者大菩提場莊嚴之智名爲自說斷一切不善法集一切善法清淨故海意具是十種法故此三摩地名爲自說海意當知復有二十種法此三摩地名爲淨印何等二十一者內淨名爲淨印我清淨故二者外淨名爲淨印我所清淨故三者身淨名爲淨印一切見中悉清淨故四者一切法無我清淨名爲淨印本來清淨故五者于一切法平等覺了清淨名爲淨印一味清淨故六者空無相無願清淨名爲淨印一切解脫清淨故七者虛

空清淨名爲淨印畢竟清淨故八者眾生界法界清淨名爲淨印離諸所作故九者現所見清淨名爲淨印自智通清淨故十者日輪光明清淨名爲淨印常照曜清淨故十一者三世無礙知見清淨名爲淨印離諸障礙清淨故十二者表了門清淨名爲淨印識智無住清淨故十三者無爲清淨名爲淨印有爲自性清淨故十四者了知緣生清淨名爲淨印善觀緣法故十五者隨證力無所畏佛法清淨名爲淨印無能敵實智清淨故十六者了知佛法相清淨名爲淨印先業清淨故十七者大慈大悲清淨名爲淨印不

捨衆生清淨故十九者峯伏諸魔外道清淨名爲淨印一切所行清淨故十九者破一切煩惱種習清淨名爲淨印諸法自性清淨故二十者于一刹那心中普盡一切佛法之門隨知清淨名爲淨印積集圓滿清淨故海意具是二十種法故此三摩地名爲淨印海意當知菩薩當坐菩提場時乃能獲得是三摩地得是三摩地後當獲几種不共大神通相何等爲凡一者忽然此三千大千世界悉變金剛所成之地二者一切樹林華果枝葉皆悉開敷俱向菩提樹低垂曲折作恭敬相三者一切衆生于刹那間不爲一切

煩惱之所惱害四者一切地獄惡趣衆生悉見菩薩坐菩提場見已皆獲快樂具足五者一切世界空中悉現金色光明廣大照曜六者大地皆悉震動然于其中亦無少分衆生而生燒害七者所有十方現住說法教化諸佛世尊以無畏法施其安慰作如是言汝善男子最勝最勝是大導師凡者于一刹那心中一切佛法集現其前海意而是菩薩得彼淨印三摩地已後獲如是九種不共大神通相而能出生無量功德之事一切悉同此三摩地神通威力海意菩薩所問淨印法門經卷第二

校讎

段徒玩切

古雅切推物也

段假借也

二字世俗通潤作段。藏中段

食俗讀段食于義無取按此經云非假

不眞也

世間

段食所資則益信矣此卷五段字前二字正作段後三字仍舊非無意溷入也他經作團食者併因

段頭而誤也必欲傳會團段二義以強說段字豈

惟不成語亦執中無方之過歟宜斷之以義

音釋

姪

而沈切又奴因切好兒俗作輕嬾

非儕何

俗作擔荷

立俗今正

海虞信官嚴澂助刻于寒山化城菴

海意菩薩所問淨印法門經卷第二

李唐三藏朝散大夫萬臚那光梵天師賜紫惟澤共法護奉 詔譯

余時世尊重說頌曰

此法善淨復明亮 本無和合與空等

無住無滅無起生 是印隨攝于佛印

住彼根本得總持 長時修習慈悲行

若敬若慢世所行 平等慧中無喜恚

等智隨住于法性 不住癡暗及癡法

雖住智中無得心 安山等智常清淨

智常覺了身所作 以諸智行利世間

衆生若見清淨身 皆得離塵勝佛智
威儀善戒無散亂 有無分別中隨行
身諸過失雖無邊 本來不生無所斷
彼獲莊嚴妙相身 手足柔軟福嚴具
清淨圓滿諸根身 不恃色相智所作
若見貧賤苦衆生 謙下尊敬而不慢
尊奉知法持戒人 從彼聞法得聖道
實知自他身法性 知諸衆生實性身
獲得淨勝妙法身 不受分段身離染
常受定中禪悅食 不以段食益威光

順世受食非力資 法命滋養成甘露
常獲聖行善宗靜 解脫貪瞋癡染聚
密護戒學無順違 寧捨己身不造罪
神力能往俱胝刹 隨應現身而說法
世間瞻覩妙相身 彼皆獲得身高勝
身放光明妙清淨 廣照無邊諸刹土
光照福勝輒觸生 衆生悉除煩惱害
地獄衆生常受苦 蒙光照觸得快樂
身意調暢酸楚停 由斯得離地獄苦
如是及餘諸身業 隨智無邊善殊妙

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

能開佛事調伏門

菩薩身業此清淨

語言妙音淨悅意

天人世間聞皆喜

凡所說法果不虛

此法能成甘露滅

語言隨墮語過失

清淨福智善能斷

衆生語業及音聲

普令同等皆歡喜

相續平等真實說

言無濁亂皆如實

凡所說言誠實行

智隨諦轉善清淨

語言甘美貪止息

攝功德語瞋解脫

甚深無底斷除癡

于千利中作善利

此所說言無分別

不假勤力隨解脫

應衆生根歡喜生
此智所作語清淨
善修意業常無障
一刹那心世悉知
不起滅定現威儀
魔不能知菩薩意
聲聞緣覺不能測
菩薩甚深心意道
不生自他損害心
無高無礙智平等
菩薩隨世善覺知
無受無思無伺詮
不入滅定證樂門
無邊辯才總持具
聞法所行智常住
念定無亂住等引
清淨諸障煩惱除
極微瑕穢悉不見
菩提分法無邊量
悉能普攝離放逸

智常隨住止觀中

十地次第今成證

乃至道樹成智果

若具十種法清淨

菩薩得定名自說

現修諸行淨圓滿

一切善道淨勝上

隨諸地位淨諸度

一切善法超勝高

相好殊妙圓福果

坐菩提場善畢竟

染法勝怨悉能斷

積諸善法等須彌

不思議光淨成就

得是三摩地獲福

具二十法名淨印

如日光明照世間

證大菩提佛勝智

菩薩當坐道樹已

得凡不共神通相

能于百佛刹土中
廣作利樂世間事
諸佛皆來施無畏
讚言勇猛大最勝
悉能已伏諸魔軍
證佛菩提勝無上
獲此身心勝功德
決定能成此佛印
此功德門若欲修
當于菩提心堅勇
余時世尊復告海意菩薩摩訶薩言海意以是緣故
若諸菩薩欲得如是自說淨印三摩地法門及自說
無垢慧者當住二種之心一者無濁亂心二者無滓
穢心無濁亂心者謂心自性清淨明亮而不容受客
塵煩惱法性常住本自光明一切作意無所積集無

塵故離貪無分別故離瞋無我故離癡清淨偏淨畢竟無垢自在光明如所解脫一切法亦然隨住真如平等故如所解脫一切法亦然隨住實際平等故如所解脫一切法亦然隨住法界平等故如所解脫一切法亦然隨住空平等隨住無相無願無造無作無生無起諸平等故如所解脫有爲法亦然隨住無爲法平等故卽此隨住平等之法無集無散非智所知此說名爲無濁亂心卽以此法爲他眾生及餘補特伽羅顯明開示于自他法不起動亂之想此卽是爲無滓穢心海意具是無濁亂心無滓穢心者卽能獲

得自說淨印三摩地門。尔時海意菩薩白佛言世尊此三摩地而極甚深佛言不得涯底故海意又言世尊此三摩地而極難覺了佛言無我我所故又言世尊此三摩地極難知佛言識智一法平等知故又言世尊此三摩地而無濁亂佛言得無礙解脫故又言世尊此三摩地而極微妙佛言離諸譬諭故又言世尊此三摩地而不破壞佛言先後不破故又言世尊此三摩地悉無所著佛言一切有著隨超越故又言世尊

此三摩地得大光明佛言離諸癡暝故又言世尊此三摩地而極清淨佛言畢竟無染故又言世尊此三摩地本性無垢佛言離貪塵故又言世尊此三摩地而無所行佛言三界無行故又言世尊此三摩地而無戲論佛言超越戲論故又言世尊此三摩地無動佛言畢竟宗靜故又言世尊此三摩地隨入一切處佛言與虛空等故尔時海意菩薩復白佛言世尊若如是者何能發起勝行云何當獲自說淨印三摩地門佛言海意譬如有人欲與虛空而共戰敵時彼虛空乃被甲冑菩薩亦復如是欲得自說淨印三摩地

者應當被于諸法平等甲冑莊嚴何以故海意隨有所滅卽有所起又復海意識種子是有爲無表種子是無爲此三摩地非眼識所知非耳鼻舌身意識所知此三摩地不可表了應知無知亦非無知此三摩地無表了相于一切法平等覺了故此名三蘋三佛陀又復海意我不見有法是染相故成等正覺亦不見有法是淨相故成等正覺若有相是染節彼相是淨所謂自性清淨相故若彼自性清淨相者即是無相若其無相卽無行相若無行相卽無少法而可表了由無表故卽一切法無所了知若法無能表及無

所表故是中卽無文字集現若無文字可集現者卽
所說如此復何名卽所說如謂後如于前中亦復然
此卽是名一切諸法三世皆空復何名空所謂無作
卽此無作亦復無作亦非無作是故此說名之爲空
所言無作義復云何無作者謂無現前諸行造作以
無少法可造作故是故此說名爲無作復何名爲無
現前行謂無身現前行語現前行心現前行故此說
名無現前行若無現前行彼卽無爲若其無爲卽無
生無滅亦無處所卽此無生無滅無處所法亦復無
處何名無處所謂現前諸行無處是故此說名爲無

處所以者何所謂識不住色中不住受想行中若識
無所住卽是正智而彼正智卽智無領納若智無領
納卽無增上意樂若無增上意樂卽無諍論若無諍
論卽無動亂若無動亂卽無逼惱若無逼惱卽無燒
然若無燒然卽得止息若得止息卽住偏宗若住偏
宗卽住近宗若住近宗此卽名爲得大宗默是故前
言智無領納是佛所說海意此法甚深難見難解若
有得聞如是之法生信解者是人所有一切顛倒煩
惱執著纏縛等法悉得解脫卽能住持過去未來現
在諸佛世尊法藏爲大導師開示一切衆生無量正

道爲大醫王善療衆生一切無相煩惱之病是爲能以廣大供養普供如來不久當得自說淨印三摩地門所作決定于此大乘法中能善積集爲大法船而能濟渡無量衆生出生死海爲大正士降伏諸魔永不復隨魔境中語尔時海意菩薩曰佛言世尊菩薩云何而能降伏一切魔怨佛言海意若菩薩以無所爲心能于一切普攝受者而彼菩薩即能降伏一切魔怨又若菩薩以無所爲心于彼一切所緣相中能發起者而彼菩薩即能降伏一切魔怨海意當知魔有四種何等爲四一者蘊魔二者煩惱魔三者死魔

四者天魔若或伺營幻法即能降蘊魔安住空法能降集能降煩惱魔證滅能降死魔修道能降天魔又復伺營諸行是苦能降蘊魔伺營諸行無常能降煩惱魔伺營諸法無我能降死魔伺營涅槃宗靜能降天魔又復菩薩內斷煩惱垢而不忘失大菩提心行于布施卽能攝伏蘊魔若菩薩不惜其身亦不繫著行布施已而能回向于一切智即能攝伏煩惱之魔若菩薩能念財富無常我當與彼一切共用真實

施與如是施已而能回向于一切智卽能攝伏死魔
若菩薩于一切衆生所而不越失大悲之心以解脫
慧普攝衆生行布施已而能回向于一切智如是卽
能攝伏天魔復次海意若菩薩雖生諸趣無所稀望
善護戒行卽能斧蘊魔若我見無依止善護戒行能
斧煩惱魔若以淨戒令諸衆生出離老死自護戒行
能斧死魔若起是念我令一切毀禁衆生皆悉安住
聖淨戒中自護戒行能斧天魔又復菩薩于我無所
得修行忍辱能斧蘊魔于衆生無所得修行忍辱能
斧煩惱魔于生死無所得修行忍辱能斧死魔于涅

槃無所得修行忍辱能斧天魔又復菩薩身宗靜故
發起精進能越蘊魔心宗靜故發起精進能越煩惱
魔了達無生無起故發起精進能越死魔于生死中
未嘗懈倦成熟衆生攝受正法發起精進能越天魔
又復菩薩蘊無依止而修于定能越蘊魔界無依止
而修于定能越煩惱魔處無依止而修于定能越死
魔于餘禪支亦悉一一回向菩提能越天魔又復菩
薩能以正慧善知諸蘊能斧蘊魔善知諸界能斧煩
惱魔善知諸入能斧死魔雖善知緣生而于實際亦
不取證能斧天魔又復菩薩解諸法空卽彼蘊魔伺

不得便意能信順諸法無相卽煩惱魔伺不得便知一切法無所造作亦無疑惑然于善行心不厭足卽彼天魔伺不得便又復菩薩隨觀身中身念處而修亦不與身俱起于尋未能破蘊魔隨觀受中受念處而修亦不與受俱起于尋求能破煩惱魔隨觀中心念處而修亦不與心俱起于尋求能破死魔隨觀法中法念處而修亦不與法俱起于尋求于菩提意亦無所動能破天魔復次海意汝今當知此如是等諸有魔業皆由我爲根本若或菩薩于根本我而不起者卽于

我無我是中亦無少法可起如是卽以現量智知又若菩薩爲彼無智諸衆生故被大乘鎧者菩薩應當不與自他俱時依止故被其鎧菩薩乃自思惟我當云何而得此鎧堅固不壞又復惟忖我所被鎧不爲壞我亦不壞衆生不壞壽者士夫養者補特伽羅意生等類若或依止我人衆生壽者補特伽羅等見卽有所著是故我今諸所依止而悉棄捨何依止邪謂于蘊處界中顛倒依止何所顛倒以諸衆生于無常中而生常想苦生樂想無我我想不淨淨想菩薩若能正知彼想卽爲如應說其法要云何正知想邪謂

若無受無取卽能正知。何以故。此若不受彼卽不取。此若不取彼亦不受。若如是者卽無癡昧。能正知想。海意菩薩白佛言。世尊。想云何知。或過去。或未來。邪。現在。邪佛言。非過去未來現在。所以者何。過去想已盡。未來想未至。現在想無住。是故當知于三世中想無所得。如是乃能正知于想。由正知想故。卽能清淨菩薩一切所行之行。復能了知一切衆生種種之行。海意若菩薩不能清淨菩薩之行。卽不能知衆生之行。若復能知衆生諸行。乃能清淨菩薩之行。如是了知衆生行故。卽爲衆生如憑說法。乃能隨諸衆生心。

轉所憑示現而悉能知海意當知。或有衆生貪意中行瞋。有瞋意中行貪。有癡意中行瞋。有癡意中行貪。有貪意中行癡。有瞋意中行癡。有瞋意中行貪。有貪意中行瞋。又有衆生假現于貪而取于瞋。假現于瞋而取于貪。假現于癡而取于貪。假現于貪而取于癡。假現于瞋而取于癡。假現于貪而取于貪。假現于癡貪而取于瞋。又有衆生先貪後瞋。先瞋後貪。先瞋後癡。先癡後貪。先癡後瞋。先貪後癡。先貪瞋後癡。先貪于聲。先癡貪後貪。先癡瞋後貪。又有衆生于色起貪于聲。

起瞋于聲起食于色起瞋于香起食于味起瞋于味
起食于香起瞋于觸起食于法起瞋于法起食于觸
起瞋又有衆生因離色故而得調伏不因離聲有離
聲故而得調伏不因離色有離香故而得調伏不因
離味有離味故而得調伏不因離香有離觸故而得
調伏不因離法有離法故而得調伏不因離觸又有
衆生因身離故而得調伏不因心離因心離故而得
調伏不因身離有亦因身離亦因心離而得調伏有
不因身離不因心離而得調伏又有衆生因無常聲
而得調伏不因苦無我宗靜等聲有因苦聲不因無

常無我宗靜之聲有因無我聲不因無常苦宗靜聲
有因宗靜聲不因無常苦無我之聲又有衆生有因
說法神變而得調伏不因教誠神變有因教誠神變
而得調伏不因說法神變有因神境神變而得調伏
不因說法教誠神變又有衆生因說法神變故而生
信解有因教誠神變故而得遠塵有因神境神變故
而得解脫又有衆生利根勤行鈍根解脫有鈍根勤
行利根解脫有鈍根勤行鈍根解脫有利根勤行利
根解脫又有衆生由因得解脫而不由緣有由緣得
解脫而不由因有亦由因亦由緣故而得解脫有不

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經
海藏寺南院清白法師總集卷二
由因不由緣故而得解脫又有衆生因內觀過失故而得解脫不因外觀有因外觀過失而得解脫不因內觀有亦因內觀亦因外觀諸過失故而得解脫不因內觀不因外觀諸過失故而得解脫又有衆生修行于樂成證解脫不因于苦有因于苦不因于樂有亦因苦亦因于樂有不因樂亦不因苦又有衆生因警發相而得調伏因安止相而得調伏因降伏相而得調伏因善攝相而得調伏有因善相而得調伏有因不善相而得調伏有因瞋相而得調伏有因三相而得調伏有因容緩相而得調伏有因緣生法而

得調伏有因隨順行而得調伏有因默然行而得解脫有因差別行而得解脫有因念處法聲有因正斷聲有因神足聲有因根聲有因力聲有因覺支聲有因正道聲有因奢摩他聲有因毗鉢舍那聲有因四聖諦聲而得解脫海意此如是等不可思議衆生所行不可思議衆生心意不可思議衆生境界若菩薩入不可思議智入已卽能偏入一切衆生不可思議境界海意譬如有人周徧四方以繩爲網是人忽以因緣入其網中此人普欲解除其網而以此人善呪力故其網後時爲呪力所加而悉斷壞是人隨意得出

無礙菩薩亦復如是由具善巧方便故徧入一切衆生心意已卽能以般若波羅蜜多明呪之力普斷一切衆生煩惱纏縛菩薩然亦不證佛智普爲一切衆生現起施作一切佛事。尔時尊者舍利子前白佛言稀有世尊所有無量衆生心行乃至不思議佛智又復甚奇世尊若新發意菩薩或聞說此無量衆生心行無量佛智聞已豈非生驚怖邪佛言舍利子于汝意云何譬如新生師子之子聞師子吼可驚怖不舍利子言不也世尊佛言舍利子新發意菩薩亦復如是聞佛如來師子吼已不生驚怖聞說無量衆生

心行亦無恐畏舍利子又如小火光明于彼一切艸木不生驚怖火亦不作是念我無力能燒諸艸木新發意菩薩亦復如是智慧光明雖復甚少而于一切衆生所有煩惱不生驚怖菩薩亦不作是念我不能息衆生煩惱何以故菩薩若起渙固作意以所成慧如實觀營卽能息諸衆生煩惱舍利子又如有火與彼大地一切艸木樹林莖果要期盡劫而共鬪戰至第七日當起戰事時彼大地艸木拜餘一切艸木等衆而共集會乃相謂言汝有力能與我援助時諸艸木積聚旣廣量等須彌時或有人來謂火言艸木衆

多汝惟單已汝今何不多求援助汝力何能敵艸木衆彼火答言我今不須求其助力何以故而諸艸木雖復眾多隨彼一切我力能敵令彼艸木悉滅無餘菩薩亦復如是隨彼無量衆生一切煩惱菩薩卽放無量慧火其力敵勝又復菩薩起漢固意于一切衆生煩惱聚中以所成慧如實觀登卽能息諸衆生煩惱若或菩薩取證離煩惱法捨煩惱者彼卽速墮聲聞緣覺之地舍利子以是緣故汝應當知若菩薩隨于一切煩惱聚中能漢固作意如實伺登者卽于彼彼一切煩惱力能勝伏舍利子若有得聞如是說已

不驚怖者當知是爲善巧方便菩薩舍利子又如蛇毒凡所傷螫而無助伴新發意菩薩亦復如是修集菩提分法時亦復單已而無助伴但自修集菩提分法又如螢火不能勝彼百千日輪廣大光明一切煩惱亦復如是不能勝敵菩薩慧光又如除毒之藥狀雖至小而能解除廣大之毒菩薩亦復如是智慧之藥雖復至小而能息除諸煩惱毒又如天降一味之雨隨所墮處器有差別成種種味菩薩亦復如是修集一味解脫之智隨諸衆生種種根性種種說法而各有異又如閻浮檀金出現世間映蔽一切餘諸珍

寶菩薩大寶出現世間亦復如是映蔽一切聲聞緣覺。又如轉輪聖王出現世間一切小王皆悉歸向菩薩法王之子亦復如是若發大菩提心一切世間天人阿修羅等各各頂奉而悉歸向。又如薄福衆生雖遇寶雨而無所獲不種善根諸衆生等亦復如是雖發菩提心而無所成又如世間若無甘蔗種子卽不能生于甜味菩薩亦復如是若無大菩提心種子卽不能成就阿耨多羅三藐三菩提果。

海意菩薩所問淨印法門經卷第三

校譌

海意菩薩所問淨印法門經卷第四

奉
卷三藏朝散大夫謚號卿袞父師賜紫惟淨其法護奉 詔譯

復次佛告舍利子言譬如耆婆醫王普觀大地一切艸木無非是藥修行般若波羅蜜多菩薩亦復如是觀一切法無非菩提又舍利子譬如羅睺阿修羅王雖有勢力不能于其日月道中而爲障礙一切魔衆亦復如是雖有勢力不能于其勤行精進菩薩所修菩提道中而爲障礙又舍利子譬如色界諸天子衆所有宮殿依空而住修甚淡行諸菩薩衆亦復如是猶如虛空平等無礙諸法亦然與虛空等如是乃得

阿耨多羅三藐三菩提果。又舍利子。譬如世間諸有器用既成就已。隨彼大小空量現中。然彼虛空不增不減。菩薩亦復如是。修諸善力得成熟已。隨其深淺能受佛法。然彼佛法不增不減。又舍利子。譬如力士極盡其力舉箭射空。終不能至虛空邊際。菩薩亦復如是。盡其信力于佛法中而生信解。然不能得佛法邊際。又舍利子。如世陶器未成熟時。卽不能得器用之名。菩薩亦復如是。菩提善根未成熟時。卽不能得波羅蜜名。又舍利子。如人得見轉輪聖王已。不復樂見諸小國王。菩薩亦復如是。得見如來大法王已。不

復樂見諸聲聞緣覺。又舍利子。譬如牛蹟水中而不能出一切珍寶。聲聞戒中亦復如是。不能出生佛法僧寶。又舍利子。譬如大海。乃能出生諸妙珍寶。菩薩亦復如是。聞戒海中而能出生佛法僧寶。又舍利子。譬如新生太子。不名爲王。非不名王。初發心菩薩亦復如是。不名爲佛。非不名佛。又舍利子。譬如世間未經治瑩摩尼之寶人。不愛樂。初發心菩薩雖復說法。未得無畏。亦復如是。又舍利子。如摩尼寶經治瑩者。清淨明亮。人所愛樂。具修勝行。菩薩亦復如是。獲得無畏而善說法。一切衆生皆生欣樂。又舍利子。如江

湖中所出小寶亦不可輕。何以故。是寶雖小。若在房舍或復闇中。能以光明普偏照耀。初發心菩薩亦復如是。勿生輕慢。何以故。而是菩薩得菩提已。能于一切佛刹土中。普放光明廣大照耀。又舍利子。譬如無價大摩尼寶最極殊妙。離諸塵垢。不退轉菩薩亦復如是。離諸慢心。又舍利子。譬如世間穀稼成熟實穗垂瑞。菩薩亦復如是。所修善法得圓滿已。于諸衆生謙下無礙。又舍利子。譬如世間劫火欲起。而此大地一切艸木燒爇無餘。菩薩亦復如是。智火若然。一切煩惱種子習氣悉墮無餘。既滅盡已。然後乃證阿耨

迦葉半山印

多羅三蘋三菩提果。又舍利子。譬如有火。若小若大。燒三千界。而虛空性本自如。是菩薩亦復如是。若有菩薩成等正覺。若無菩薩成等正覺。而一切法自性如是。舍利子。如是等諸有譬喻。如來所說而能攝受。諸菩薩衆。若有菩薩聞此說已。生勝解者。而能于彼一切諭中。悉得成就。當佛說是見邊法時。會中有二萬四千人。發菩提心。尔時世尊重說頌曰。

難得最上佛菩提

深妙無垢無所有

若人于此欲圓成

是中勿當生疑惑

淨妙智慧無虛假

真日光明普照曜

安住無垢妙印中

此佛菩提能觀見

心自性淨而明亮

前際後際亦復然

煩惱染汙意中時

應當勿離淡固意

是中無作無受者

諸法自在無主宰

無我人故說無我

如空如夢無自性

當觀此法非身業

非語非心所分別

無爲實性異想無

譬諭言詞不能說

與虛空等自性淨

非色相故不可觀

非眼耳鼻識所知

非舌非身亦非意

遠離非相非無相

無依宗靜湛如月

非意亦非心所行

非識非想非思度

此非智業可能知

云何識心而曉了

由佛無上大悲心

假以文字而說法

衆生先世勝行業

爲善知識所攝受

如是相中聞法已

獲無等喜無憂著

非彼諸魔伺得便

不能知心及境界

隨何所作何所行

而彼魔業不能勝

菩薩超越四魔已

如理如教修福慧

善住諸佛境界中

此名修勝菩提者

衆生不能知所行

修菩提者所行勝

施設多種行門中

隨彼彼相爲說法

如是世間種種行

互相所緣而和合

大智了知諸行中

隨所宣說無間斷

或有衆生多貪染

或復多瞋悉了知

見瞋煩惱逼迫時

彼癡性中起諸害

如是世間種種行

菩薩隨了而能入

行相所緣及緣成

隨其相言爲宣說

譬如周徧置繩網

大智持明者善知

普偏能破諸網已

隨意所觀出無礙

菩薩勇智亦如是

世間心意悉能入

普使令諸煩惱除

周徧所行無覆障

如日舒光無援助

蛇毒亦無于等侶

師子振吼亦復然

菩薩所修無助伴

菩薩單已而無二

積集最上諸佛法

精進勢力悉具圓

摧滅世間諸煩惱

譬如如有火得乾薪

隨處增長其勢力

菩薩增長慧光明

悉能照破諸煩惱

余時世尊復告海意菩薩摩訶薩言菩薩若能發起
精進常所堅固勤行樂欲所起精進無有休息而諸
菩薩卽于阿耨多羅三藐三菩提不爲難得何以故

海意由精進故乃得菩提若懈怠者于佛菩提遠中
復遠無懈怠者能行布施無懈怠者而能持戒無懈
怠者能起精進無懈怠者能修禪定無懈怠者能集
智慧無懈怠者能行自利無懈怠者而能利他以是
緣故汝今當知菩薩若能發起精進彼諸菩薩乃于
阿耨多羅三藐三菩提不爲難得海意我念過去世
中十阿僧祇劫前彼時有佛出現世間號勇猛精進
如來應供正等正覺明行足善逝世間解無上士調
御丈夫天人師佛世尊世界名善見劫名華積以何
緣故劫名華積海意是時三千大千世界大水充滿

水中復出九萬四千廣大蓮華華有無數俱胝那庾
多百千葉殊妙可愛觀者悅意爾時淨居天衆見是
華已咸生歡喜意樂適悅俱發是言若此蓮華廣大
出現決定當有正等正覺出此劫中此劫不空有佛
世尊出現于世猶如華積是故此劫名爲華積又復
一切諸佛刹中無量無數諸菩薩衆咸悉往詣于彼
世界而共瞻仰當瞻仰時一切大衆于彼世界皆得
喜相三摩地一切妙樂皆悉具足于彼世界所觀善
妙故名善見海意此善見世界七寶所成有衆寶樹

及寶樓閣是寶光明普偏照曜而彼世界無有女人不受胎藏于蓮華中自然化生跏趺而坐又其世界無有餘衆諸修行者惟住大衆其土人民諸所受用如兜率天須飲食者悉得如意復得神通遊戯能履虛空彼勇猛精進如來法中有二十六俱胝出家菩薩具菩薩道入菩薩衆復有無量在家之衆修大衆行是時彼佛爲諸菩薩宣說勤行精進之法彼佛告言汝諸大士當勤精進常所堅固深極勤勞深極樂欲無令休息海意其佛會中有一菩薩名堅固鎧從座而起白其佛言世尊云何菩薩能發精進復以何

法如來教授諸菩薩衆時勇猛精進如來告堅固鎧菩薩言善男子所謂精進有其四種而能普攝一切善法何等爲四一者發起二者勤作三者伺營四者修行如是四種而能普攝一切善法又復云何名爲發起何名勤作何名伺營何名修行善男子發起者所謂發起大菩提心勤作者廣大積集一切善根伺營者于諸衆生作利益事修行者隨何等法悉住于忍又發起者勤求多聞勤作者如聞能說伺營者深固作意修行者起聖正見又發起者攝止慳心勤作者捨諸所有伺營者所有善利與一切衆生共之回

向菩提修行者不求果報。又發起者振大捨聲。勤作者諸來求者起善知識想。同營者諸所受用觀無常分。修行者施已無悔。又發起者諸所受用依法而求勤作者淨命自資。同營者行真實施。修行者施時不起意念。又發起者滌破戒垢。勤作者禁戒無缺。同營者破戒衆生而將護之。修行者雖具戒德不起意念。又發起者身業清淨。勤作者語業清淨。同營者心業清淨。修行者諸法清淨。又發起者諸有瞋心而不容受。勤作者忍力發現。同營者自他作護。修行者雖住忍辱不起意念。又發起者諸有忿恚皆令歡喜復得。

清淨勤作者令諸忿恚歡喜和合同營者内心清涼而無熱惱。修行者自他無所得。又發起者遣除懈怠勤作者于精進力而善決擇。同營者解怠衆生而救護之。修行者隨何等法皆住于忍。又發起者積集善法。勤作者成辦善法。同營者不樂餘棄。修行者不壞諸業。又發起者念勤作者行。同營者慧修行者住。又發起者理勤作者教。同營者門。修行者出離道。又發起者積集文字。勤作者文義總持。同營者若聲若文皆悉不著。修行者覺了諸法悉不可說。又發起者親近善友。勤作者遠離惡友。同營者于善惡友起心平。

等修行者如所說言隨能憶持又發起者起出家心勤作者于愛非愛所觀平等。同營者隨何等善悉樂稀求修行者得現量智。又發起者樂居曠野。勤作者遠離憒鬧。同營者樂處宗靜。修行者修宗靜行。又發起者少欲。勤作者知足。同營者獲得妙樂。修行者知所應量。又發起者修增上戒學。勤作者所修無雜。同營者修增上心學。修行者修增上慧學。又發起者布施。勤作者愛語。同營者利行。修行者同事。又發起者大慈。勤作者大悲。同營者大喜。修行者大捨。又發起者刹土清淨。勤作者相好圓滿。同營者護持正法。修

行者救度衆生。又發起者了知蘊魔。勤作者越煩惱魔。同營者遠離死魔。修行者摧伏天魔。又發起者知苦。勤作者斷集。同營者修道。修行者證滅。又發起者修身念處。勤作者修受念處。同營者修心念處。修行者修法念處。又發起者信。勤作者精進。同營者念定。修行者慧。又發起者防。斷不善之法。勤作者圓滿生起一切善法。同營者若身若心輕安調暢。修行者獲得無加行神足。又發起者修七覺分。勤作者行凡正道。同營者修習止觀。修行者得明解脫。又發起者發起諸行。勤作者表示潔白之行。同營者心得輕安。修

行者不轉境界相智

復次海意彼勇猛精進如來復告堅固鎧菩薩言。善男子。由精進故身心輕安卽此精進若因若見悉當遠離。又此精進能知名色。入此精進能滅我我所見。又此精進能解所取之縛。又此精進能除五蓋及現所起一切煩惱。又此精進能斷惡作及彼疑惑。又此精進破諸結病。又此精進而能勤力除斷諸障。又此精進離慢過慢。又此精進超越一切所依所著。又此精進離諸喜恚。又此精進于無明有愛悉不染著。又此精進于貪瞋法而悉不行。又此精進于其癡法而

常伺督。又此精進知覺內外十二處法。又此精進了知五蘊及十八界本來不生。又此精進心住宗靜徧宗近宗。又此精進決了諸法悉無所得。又此精進于一切法不取二相。又此精進了知法性本來常住。又此精進知一切法不來不去。又此精進知一切法無取無捨。又此精進知一切法無作無止。又此精進知一切法無高無下。又此精進知一切法不出不入。又此精進知一切法無能作無所作。又此精進知一切法勤無惰。又此精進知一切法無放逸無不放逸。又此精進知一切法無能作無所作。

無觀無不觀。又此精進知一切法無止息無熾然。又此精進知一切法無所護無不護。又此精進知一切法無集無散。海意彼勇猛精進如來爲諸菩薩說。如是等勤行精進法時會中有一萬人得無生法忍。堅固鎧菩薩于彼佛所得聞如是精進法已轉復發起精進勤求善法。如是精進常無休息經俱胝歲過是已後得柔順忍。如是精進勤求善法經尔所時即于彼滅滅已還于彼如來前重復化生聽受宣說大集會正法。又復精進勤求善法海意其堅固鎧菩薩以是緣故經尔許時普偏親近八萬四千佛于彼萃積。

劫中發起精進勤求善法經如是時一切勤行海意汝今勿生疑念。是時堅固鎧菩薩者豈異人乎。卽我身是我昔曾歷多菩薩位。棄生死勤求菩提乃至我今得成正覺廣行精進深歷艱苦況復世間懈怠衆生起下劣進者而能獲得菩提果邪。海意若諸衆生能發精進者于我法中卽得清淨非懈怠者而能成就以是緣故汝今當知諸有精進不放逸者卽得菩提當佛說是過去所行精進法時會中有五千菩薩得無生法忍七千天人發阿耨多羅三藐三菩提心尔時世尊重說頌曰

我念過去佛出世

號曰勇猛精進尊

劫名華積妙可觀

最上世界名善見

凡萬四千蓮華出

有佛出現彼劫中

世界猶如兜率天

所須飲食皆如意

彼無女人不處胎

衆生化生悉嚴好

而復不修于餘業

菩薩皆住大乘法

十方所來菩薩衆

于彼世界善可觀

皆獲喜相妙定門

受諸快樂未曾有

菩薩俱胝二十六

是衆莊嚴二足尊

復有餘多天及人

最上佛乘皆安住

其佛大慤智德海
數數宣說精進門
有菩薩名堅固鎧
于佛發問如斯義
所欲安住精進力
菩薩云何精進修
此義願佛爲我宣
我于是中修行住
彼大法主知意已
爲說發勤精進德
發起勤作行相應
常所同營修行住
發起所謂菩提心
勤作成辦衆善法
同營利益諸眾生
修行隨何法住忍
發起恭敬此聽受
勤作宣說而開明
深固作意同營門
修行謂起聖正見

發起滌除于慳垢 捨諸所有是勤作
具菩提心伺營門 修行所作不求報
發起謂振大捨聲 慈于丐者是勤作
伺營受用觀無常 修行施已不生悔
依法所受名發起 淨命自資是勤作
我真實施伺營門 修行施時無意念
發起滌除破戒垢 禁戒無缺是勤作
伺營將護破戒人 修行具戒無意念
發起所謂身業淨 語業清淨是勤作
心業清淨伺營門 修行是爲諸法淨

不容受瞋名發起 忍力現行是勤作
自他作護伺營門 修行忍辱無意念
患者常淨名發起 勤作于彼不捨離
内心清淨伺營門 修行自他無所得
發起謂除懈怠垢 擇精進力是勤作
護懈怠者伺營門 修行隨何法住忍
積集善法名發起 是成辦法善勤作
伺營不樂于餘樂 修行不壞諸業報
發起了知于正念 勤作悟入法行中
善護正慧伺營門 修行所謂堅固住

發起謂理勤謂教 彼諸法門謂伺營
 知出離道卽修行 此發精進善方便
 發起所謂文總持 善宣說義名勤作
 不著于聲伺營門 修行了法不可說
 親近善友名發起 遠離惡友是勤作
 觀善惡性伺營門 修行憶持于諸法
 法中出家名發起 捨愛非愛是勤作
 稀求善法伺營門 修行于法無障礙
 發起樂居曠野中 遠離憤鬧是勤作
 樂居宋靜伺營門 修行謂修宋靜行

少欲善言名發起 歡喜知分是勤作
 獲受妙樂伺營門 修行謂知所應量
 增上戒學名發起 所修無雜是勤作
 增上心學伺營門 增上慧學修行住
 布施持戒名發起 忍辱精進是勤作
 禪定慧行伺營門 修行總起智方便
 財法二施名發起 慈語所謂是勤作
 利行是爲伺營門 修行真實而同事
 大慈圓滿名發起 大悲具足是勤作
 法中大喜伺營門 修行此說大捨智

發起清淨佛刹土

圓滿相好是勤作

護持正法伺營門

度脫衆生修行住

不著蘊魔名發起

出煩惱魔是勤作

攝伏死魔伺營門

摧伏天魔修行住

了知苦果名發起

不立愛故是勤作

修道是爲伺營門

滅智所謂修行住

發起身念處離縛

觀受念處是勤作

觀心念處伺營門

修行謂觀法念處

發起所謂信根力

精進根力是勤作

念定根力伺營門

修行謂處慧根力

防斷不善名發起

不壞善法是勤作

身心輕利伺營門

修行智起四神足

發起謂修七覺分

行凡正道是勤作

修習止觀伺營門

修行真實明解脫

發起勤作起諸行

心得輕安伺營門

不轉諸相境界中

此說是爲修行住

若身若心輕安故

于見于因當出離

是中名色若了知

諸聖稱讚此精進

于我我所若能滅

卽解一切所取縛

現起五蓋悉蠲除

惡作疑惑皆斷滅

又復能破諸結病
于慢過慢斷無餘
所作皆由精進力
遣除一切諸有相
止息一切諸戲論
斷滅一切煩惱因
聞此精進功德已
聞說精進功德已
菩薩會中有十千
悉得無生妙法忍
釋迦如來此會中
爲諸菩薩廣宣說
聞說精進先行時
五千菩薩忍清淨
復有天人阿修羅
緊那羅等諸會眾
余時會中有百千
發菩提心善安住

我昔曾名堅固鎧
得最上忍菩薩位
棄捨身命精進修
經余許時常無懈
親近八萬四千佛
棄捨己身而奉事
近侍諸佛一劫中
後居無數菩薩位
余時大悲思惟大梵天王曰海意菩薩言善男子所
言佛法是何等增語海意菩薩言大梵此言佛法者
是一切法增語何以故如來以無分別相如量取證
菩提無分別相者即一切法平等相如來是中如量
取證菩提大梵若了一切法平等即是菩提是故此
說一切法即是佛法若一切法如是即是佛法亦如是

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

所有一切法自性卽佛法自性。一切法離故應知佛法亦離。一切法空故應知佛法亦空。大梵。一切法緣生。若能覺了諸法緣生。卽是菩提。如來于一切法如是見而彼佛法亦如是見。梵天言善男子。豈非佛法越三界邪。菩薩言。大梵。三界自性。卽是佛法。何以故。大梵而彼佛法平等相中。無高無下。猶如虛空。亦無高下。佛法亦復如是。同彼虛空。無高無下。大梵。一切法亦然。自性空中等。無高下。大梵。若善男子及善女人。欲知佛法者。應如是知。然于所知方便。不應取著。復次大梵。佛法無方分。無處所。不生不滅。非青非

黃。非赤非白。故無顯色。非有形相。故無形色。無形顯色。故卽是無相。大梵。無相義者。卽佛法義。佛法義者。卽不墮句義。不墮句義者。卽宗靜義。宗靜義者。卽是離義。離義者。卽是空義。空義者。卽是無繫著義。無繫著義者。卽實性義。實性義者。卽真如義。真如義者。卽畢竟不生義。不生義者。卽不滅義。不滅義者。卽無住處義。尔時海意菩薩重說頌曰。

所說無相義。是勝佛法義。其說佛法義。卽不墮句義。不墮宗靜義。宗靜是離義。離義卽空義。空義無著義。無著實性義。實性真如義。真如卽畢竟不生不滅義。

78901234567890201234567890301234567890

不滅無處義法義如是住。如所住法界諸法亦然住。如諸法所住。佛法亦然住。如佛法所住。生滅法亦然。無著法等義真如無異住。聲聞緣覺法亦平等隨住。如是處住法。佛法勝無上。無方分處所。故佛法安住。勿于生滅中隨觀。諸佛法彼非形顯色。無少法可得。無形亦無相。佛法而開明。如諸法自性。佛法亦如是。此所說平等無差別無相。如是求佛法。諸法亦然求。若法無所得。彼卽無分別佛及諸佛法。一切法皆然。大億處道場得平等正法。佛及諸佛法于道場觀。彼所說佛法平等。等無高下。法如虛空清淨。

若佛及佛智。彼佛此所說。謂諸法緣生自性無所有。若自性不有。卽無少法生。實際此若知。世間等無際。是際中起智。隨轉一切法。所謂過去法及彼未來法。此名現在法。此是諸佛法。如是三時中。佛智無所著。由智無著。故牟尼乃說法。所謂佛十力及四無所畏。諸佛十九種不共功德法。于是中。普攝所有一切法。如是一切法是卽諸佛法。

復次大悲思惟大梵天王。重白海意菩薩言。善男子。汝于如是法中云何所見。菩薩言。大梵天。佛法者。墮色數邪。梵天言。不也。菩薩言。若法非色。卽不可見。若

無對礙卽無表了。是中云何有所見邪。梵天言不也。善男子。菩薩言大梵若佛法不可見者卽一切法亦如是以故法本無二此無二者卽是一切法。大梵若法有所見彼卽是有相謂以無別可見無別佛法。若此如是見彼如是佛法若如是佛法彼卽如是見梵天言善男子。若余者如來于一切法不復有見菩薩言大梵若如來于佛法中有所見者卽彼如來及諸佛法有實定性可得梵天言善男子。若如是者佛法不有邪。菩薩言大梵若法無實定性是中有無悉不可說。若法非有無彼卽無所見梵天言若余何故

世尊今此會中說佛法邪。菩薩言大梵如說虛空非彼虛空有實定性佛法亦復如是。此說佛法非彼佛法有實定性梵天言稀有善男子。若初發心菩薩聞此說已不生驚怖者而是菩薩于佛法中被堅固鎧菩薩言大梵若諸眾生得佛加持已發菩提心者聞此所說甚深佛法卽不生驚怖。又復大梵有取有執者卽生驚怖無取無執者不生驚怖。有依止有繫著者卽生驚怖無依止無繫著者不生驚怖。有我我所見者卽生驚怖離我我所見者不生驚怖。梵天言善男子。菩薩有幾種力若諸菩薩具是力者卽于如是

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

法華經疏卷四

十九

似

甚深佛法中不生驚怖。菩薩言。大梵。諸菩薩有八種力。若諸菩薩具是力者。乃于如是甚深佛法中不生驚怖。何等爲八。一者無障礙信力。于諸佛法生勝解。故二者尊重出生善知識力。諦意隨順如師尊故。三者多聞出生慧力。出世間法悉圓滿故。四者福行出生承事之力。無量福行悉圓滿故。五者深固作意出生智力。破諸魔故。六者大慈出生大悲之力。于無我法離疑惑故。七者安定出生善思惟力。大菩提心不忘失故。八者無他信出生忍力。獲得無生妙法忍故。大梵。此等是爲菩薩八種勝力。若諸菩薩摩訶薩具

是力者。能于甚深諸佛法中不生驚怖。尔時世尊讚海意菩薩摩訶薩言。善哉善哉。海意汝善說此菩薩八力。若諸菩薩具是力者。能于甚深諸佛法中不生驚怖。又復于佛法中隨所聞已。皆不生怖。海意當知。諸說法聲皆是分別。若于菩提勝義諦中。卽不能說。何以故。彼勝義諦非語言。非詮表亦非文字積集所行。尚非心心所法。而可能轉。況復文字有所行邪。海意。如汝所觀諸佛世尊有所說者。但爲不可思議。一切衆生大悲轉故。乃于如是甚深法中成正覺已。于無文字無語言無記說無詮表法中爲他衆生及補

特伽羅假以文字建立宣說海意譬如有人知此虛空非色相故不可見非對礙故無表了然于空中以種種色彩畫形像所謂象馬車乘天龍夜叉乾闥婆等現諸色相海意于汝意云何是人所作斯爲難不海意菩薩白佛言世尊是人所作最極爲難佛言海意諸佛世尊如復爲難過極于彼何以故謂于不可說法中成正覺已假以言說爲他眾生及補特伽羅建立宣說由于不可說義中如實覺了是故諸佛難作能作海意若復有人于此甚深佛法之中不驚不怖不生恐畏者當知是人于先佛所深種善根作諸

勝行是故于此甚深佛法不生恐畏若復有人于此甚深經典一切世間難信解法如實知已受持讀誦廣爲他說者當知是人能持如來一切法藏能持一切衆生諸善法分又復海意若有菩薩得佛眼照明能于無量諸佛刹中滿積珍寶持用供養彼彼如來廣行布施于汝意云何而彼菩薩以是緣故得福多不海意白佛言甚多世尊甚多善逝此之福蘊無量無數乃至譬諭所不能及佛言海意我今語汝汝憑知若有菩薩能于如來法中善爲作護令三寶種不斷不絕于諸衆生不捨大悲于如是等甚深經典

如來大智法中能了知已受持讀誦何況是中如理修行而此菩薩所得福蘊倍多于彼何以故所有財施但是世間之所愛樂若法施者彼卽出過一切世間復次海意若有菩薩能護持正法者而此菩薩得四種攝受何等爲四一者得佛攝受二者得天攝受三者得福攝受四者得智攝受若諸菩薩得佛攝受者當得四種最勝之法何等爲四一者常得不離瞻仰如來二者一切魔衆伺不得便三者獲得無盡陀羅尼門四者速具神力住不退轉地海意諸有菩薩爲佛攝受者獲得如是四種最勝之法又諸菩薩若

得天攝受者當獲四種清淨何等爲四一者天衆神力令其菩薩眾會清淨二者使令聽受正法專注一心三者遣除一切魔外之衆四者由天威神能令一切無不清淨悉得淨心海意諸有菩薩爲天攝受者獲得如是四種清淨又諸菩薩若得福攝受者當獲四種莊嚴之相何等爲四一者身莊嚴謂相好圓滿二者語莊嚴謂勝出一切衆生語言音聲三者國土莊嚴謂諸所施作悉能顯示四者所生莊嚴謂在所生處或爲梵王帝釋護世天等海意諸有菩薩爲福攝受者獲得如是四種莊嚴又諸菩薩若得智攝受

者當獲四種照明之法。何等爲四。一者。照明一切眾生根性。如其所應。卽爲說法。二者。照明一切煩惱之病。積集法藥。隨爲治療。三者。神力照明。餘佛刹中。悉能偏往。四者。法界照明。于一切法。如實了知。海意。諸有菩薩爲智攝受者。獲得如是四種照明。以是緣故。菩薩摩訶薩欲得如是攝受。稱讚功德法者。應當勤行護持正法。若諸菩薩而能勤行護持正法者。當獲無量最勝功德。

海意菩薩所問淨印法門經卷第四
校讎

海意菩薩所問淨印法門經卷第五

宋中天竺藏朝散夫欽燭禪師譯

淨共法護奉

詔譯

余時世尊重說頌曰

諸佛正法能護持 當得種種善稱讚

彼稱讚法我略宣 如大海中水一滴

知諸佛恩能報者 諸佛付託持法藏

諸佛正法能護持 是卽普供十方佛

佛眼照明觀佛刹 妙寶供養諸世尊

諸佛正法護持時 比前福蘊此最勝

雖以世財供養佛 不能解脫世間行

7 8 9 10 11 12 13 14 15 16 17 18 19 20 1 2 3 4 5 6 7 8 9 30

出世勝法若求時 智者出離世間法
諸佛正法護持者 卽得諸佛所攝受
諸天龍等亦攝持 福攝智攝皆獲得
諸佛正法護持者 得念慧行悉具足
廣大勝慧普偏知 智者拔除煩惱種
諸佛正法護持者 非彼諸魔伺得便
惡作疑惑悉蠲除 彼無諸障亦無縛
諸佛正法護持者 所生刹土不空過
一切生中見佛身 見已卽得心清淨
諸佛正法護持者 獲得宿命大智法

出家善利數能成 所修真實清淨行
諸佛正法護持者 戒聞勝生諸梵行
得五智通妙輕安 禪定解脫悉無礙
諸佛正法護持者 趣入甚深諸法中
佛境界空無所疑 信解眾生無我法
諸佛正法護持者 獲無礙解捷利慧
得無礙言無畏門 破諸眾生疑惑網
諸佛正法護持者 得大總持勝善利
不能聽受百劫中 由具辯才悉無礙
諸佛正法護持者 得諸智者常稱讚

天阿修羅等悅心

諸佛讚護如佛子

諸佛正法護持者

帝釋梵王得非難

及諸人中轉輪王

乃至菩提勝妙樂

諸佛正法護持者

具三十二殊妙相

大智圓成無壞身

一切觀者無狀者

諸佛正法護持者

得善知識亦非難

彼爲宣明法印門

聽受無盡正法藏

諸佛正法護持者

身語心業皆清淨

戒定慧淨亦復然

得解脫智善清淨

諸佛正法護持者

常不捨離菩提心

波羅蜜行不棄捐

而能普攝多善法

諸佛正法護持者

若廣稱讚彼功德

正使住壽一劫中

亦不能說其邊際

余時會中有一菩薩名功德光王從座而起前白佛

言世尊如佛向者作如是言我于不可說法中而成正

正覺世尊若法不可說何故今言護持正法佛言如

是如是善男子如汝所言我于不可說法中而成正

覺然善男子不可說者謂以世俗文字語言于無爲

法中而不可說若以文字語言詮總持門施設建立

顯明開示乃有所說此卽是爲護持正法又善男子

有說法師于如是等甚深經中廣大受持爲他演說
如理修行者若人能于此法師所恭敬尊重承事種
種供養密爲護持飲食衣服坐臥之具病緣醫藥善
作供施能護善法善護語言于非語言而爲藏覆此
即是爲護持正法又善男子若有人能解了于空信
順無相無願無求于無加行中真實安止此即是爲
護持正法又善男子若有人能于自所說無諍勝語
及他所說非法語言是二同于法中所攝此即是爲
護持正法又善男子若人能以無障礙心相續普攝
一切衆生入解脫慧中不以世間財利之心爲他法

施此即是爲護持正法又善男子若有人能棄捨身
命于如是等甚深經典密爲作護居宗靜處依法修
行此即是爲護持正法又善男子若有人能爲聽法
因緣或爲說法因緣乃至行于一步或一出入息間
能專注者此即是爲護持正法又善男子若了一切
法無所護無所取此即是爲護持正法復次功德光
王如是等緣汝應當知善男子我念過去阿僧祇劫
復過阿僧祇劫數之前彼時有佛出現世間名大智
力聲如來應供正等正覺明行足善逝世間解無上
士調御大夫天人師佛世尊世界名淨光劫名喜上

善男子。彼淨光世界琉璃所成廣博清淨。光照十方。
彼有清淨諸大菩薩摩訶薩衆依止游戲大神通力。
從甚深法之所出生。彼菩薩衆諸所受用皆如化樂。
天子悉以天子之狀于彼佛所聽受說法無復在家。
出家種種形相時。彼大智力聲如來常爲彼會諸菩
薩衆廣大宣說護持正法作如是言汝等善男子應
當勤行不惜身命護持正法時。彼會中有一菩薩摩
訶薩名曰法語。白彼世尊大智力聲如來言世尊云
何是諸菩薩能護正法。又復云何是所護法。彼佛告
言善男子。若干色心境界之中。善護諸障專注一境。

調伏止息住宗靜法。此卽是爲護持正法。何以故。眼
根色境眼識。此三非法。非非法。故耳。根聲境耳識。鼻
根香境鼻識。舌根味境舌識。身根觸境身識。意根法
境意識。非法。非非法。故若能了知眼色空已。卽眼及
色無所分別。眼識無住。此卽正法。菩薩若干如實智
中善令他得。如是法者。此卽是爲護持正法。如是耳
聲鼻香舌味身觸意法了知空已。卽意及法無所分
別。意識無住。此卽正法。菩薩若干如實智中善令他
得。如是法者。此卽是爲護持正法。又善男子。若有法
于諸法中而可轉者。彼法卽無所護無所取。如是解

者此卽是爲護持正法又復于諸見中依止表見者
彼見卽無所護無所取如是解者此卽是爲護持正
法又復以其無智癡障故心不清白若彼無智癡障
中無所護無所取如是解者此卽是爲護持正法又
善男子若法有集有散卽非法非律若無集無散卽
是法是律何等法集散謂有爲道諸法集散若非法
非律何無集無散是故當知若無取卽無生由無生
卽無集亦無散以無集無散故卽是法是律何者是
法是律謂自性不生諸煩惱等不令生起此卽名爲
是法是律若是法是律故卽不生不滅者卽是無盡

此無盡者卽是無生法準如是無生法乃無所護此
無所護是卽真實護持正法復次功德光王彼大智
力聲如來說是法時彼衆會中三萬二千菩薩得無
生法忍法語菩薩于彼佛所得聞法已心意快然踊
躍歡喜前白佛言稀有世尊善說如是護持正法甚
深法門世尊如我解佛所說義如我所得卽一切法
無法若無法卽有法何以故世尊若一切法有所取
著卽無法若無所取著卽有法以法與非法二想于
一切法中無法非法二想可知世尊一切法與非法
若干勝義諦中卽無法可得亦無非法可得由無法

想亦無非法想故卽無法可數以無法可數故卽住實際。若住實際卽是無際。何以故。虛空際卽是諸法。實際以其虛空無所從來。是故無際如虛空無所從來。故無際諸法亦然。無所從來故亦無際。乃說諸法卽虛空際世尊。若有菩薩得聞如是實際法已。如實解者。彼卽了達諸法無有二相。世尊我不見有少法可得。若法無所有是故我說護持正法又復世尊。我說此法時契順如來所說語不是法語不法隨法說我爲正說不佛言善男子。如汝所說真實契順如來之語是實法語法隨法說是爲正說復次功德光王

彼法語菩薩說是法時彼天子衆中有十千天子得柔順法忍功德光王汝勿生疑念彼時法語菩薩者豈異人乎卽汝功德光王是汝今于此大眾會前勸請于我是故我今以彼阿僧祇俱胝劫中積集阿耨多羅三藐三菩提法付囑于汝汝當受持廣爲他說宣演流布尔時世尊說是法已而此會中有六十俱胝大菩薩衆悉住佛前異口同音咸作是言世尊我等願爲護持如來菩提正法廣演流布佛告諸菩薩言諸善男子汝等修行住何法已乃于如來阿僧祇俱胝劫積集菩提之法而爲護持正法尔時會中有

78901234567890201234567890301234567890401234567890501234567890601234567890701234567890801234567890901234567890

菩薩名山自在王前。白佛言世尊。若護惜身命斯即不能護持正法。我不惜身命故如是。乃能護持正法。吉祥峯王菩薩言世尊。若干利養有所稀求。斯即不能護持正法。我于名聞利養等事而悉棄捨。非聖所許亦悉遠離。如是乃能護持正法。大幢菩薩言世尊。若法非法。有其二想。斯即不能護持正法。若離二想。得法平等。如是乃能護持正法。勝密菩薩言。若煩惱病之所逼迫。斯即不能護持正法。我得諸聖智慧之力。勝伏煩惱。如是乃能護持正法。持炬菩薩言世尊。若處癡暗境界之中。斯即不能護持正法。我得無礙。

智光離諸寢暗。如是乃能護持正法。電天菩薩言。世尊。法中若起比量智者。斯即不能護持正法。我已證得現量之智。于諸法中不起他信。如是乃能護持正法。普密菩薩言。世尊。若世俗根性及散亂心。斯即不能護持正法。我于諸根諸門諸處。善調淡密。如是乃能護持正法。淨光菩薩言。世尊。若衆生法有種種性。及種種想。斯即不能護持正法。我于一切衆生。起平等心。及一切法。亦得平等。如是乃能護持正法。最勝步菩薩言。世尊。若起散亂非等引心。斯即不能護持正法。我住等引不散亂心。如是乃能護持正法。導師。

菩薩言世尊。若不了知正道之法修行。表道斯卽不能護持正法。我已了知正道智法表道。衆生置如實道。如是乃能護持正法。善慧菩薩言世尊。若猶豫之心。起于分別。斯卽不能護持正法。我今已離猶豫之心。斷諸分別。復令一切衆生得除疑惑之病。如是乃能護持正法。徧照菩薩言世尊。若住非法壞修行道斯卽不能護持正法。我住正法真實修行。復置一切衆生皆住如實道中。如是乃能護持正法明觀菩薩言世尊。若具染慧離法光明斯卽不能護持正法。我得決定慧圓善巧智。具法光明。如是乃能護持正法。無

礙慧。菩薩言世尊。若有礙心。不能隨護衆生之慧。斯卽不能護持正法。我以無障礙心隨護衆生。令住勝慧。如是乃能護持正法行淨慧。菩薩言世尊。若不善解諸衆生根。又不能知諸衆生行。斯卽不能護持正法。我于一切衆生根行智解入已。如是乃能護持正法。莊嚴王菩薩言世尊。于法若有分別之想。依止我人及依止法。斯卽不能護持正法。我于一切分別非法。莊嚴王菩薩言世尊。于法若有分別之想。依止亦無分別。悉離偏計三輪清淨。無我無人無法依止。亦無造作。如是乃能護持正法。師子幢菩薩言世尊。世間衆生聞一切法。無生無起。咸皆驚怖。斯卽不能護持

正法我已了知一切法無生無起無復驚怖不見有法若近若遠如實住已如是乃能護持正法慈氏菩薩言世尊若干菩提起懸遠想斯即不能護持正法若有菩薩作是思惟我雖得阿耨多羅三藐二菩提而不見菩提若身若心有所和合非不和合彼菩薩者如是乃能護持正法功德光王菩薩言世尊若住非功德離真實功德不求如來勝功德者斯即不能護持正法我已遠離諸非功德安住菩薩真實功德勤求如來最勝功德如是乃能護持正法妙吉祥菩薩言世尊如世狂亂之人作如是言我能護持如來

正法此非誠信所以者何如佛世尊坐道場時無法可得亦無所證是中云何有法可護世尊我于一切法都無所護離諸執著而以大悲持諸法性然于諸法無所成辦非不成辦尔時世尊讚妙吉祥童真菩薩言善哉善哉妙吉祥如是如是如汝所說我坐道場時無少法可得無所得時乃作是言處于道場妙吉祥白佛言世尊我于何時坐道場邪若有所坐即于菩提而有所得斯乃有二對礙有別菩提有別世尊謂以佛及菩提無二對礙故佛言妙吉祥菩提場自性我了達已是故我乃坐菩提場以我自性即是

菩提場自性而菩提自性卽一切衆生自性彼一切衆生自性卽一切法自性妙吉祥同一自性等一味故我于菩提場成正覺時觀菩提場無有少法而不解脫謂以菩提平等故現證諸法而亦平等然平等法中不墮諸數數與非數皆悉離故彼平等法是故如來說名無爲妙吉祥如來得是無爲超越一切有爲之法如來說是法時妙吉祥菩薩深生信解及一切衆會信解如來解脫之法由信解故普偏皆于平等法中無所違越爾時無量功德寶無垢殊妙莊嚴世界先同海意菩薩來此娑婆世界諸大菩薩摩訶

薩衆聞是法已心意快然踊躍歡喜咸皆欣樂俱發是言我等來此佛刹快得善利見佛世尊又見妙吉祥童真大士得聞說此甚深正法見佛出世見此正法現住世間轉大法輪世尊若此正法所在之處廣流布者彼諸衆生得大善利又若有人于佛在世或涅槃後而能聽受如是正法聞已信解受持讀誦廣爲他說當知是人得大利益佛言諸善男子如汝所知菩薩善得幾種大利彼菩薩白佛言世尊菩薩善得十種大利此卽不思議善利所轉何等爲十所謂一者值佛出世而能親近得此大利二者得見佛已

深心清淨三者起清淨心聽受正法四者聞正法已離諸疑惑五者離疑惑已于中出家六者既出家已淨命自資七者淨命資故能善說法八者善說法已發菩提心九者由不忘失菩提心故而能聽受菩薩藏法十者聞菩薩藏甚深法已依法修行得此大利世尊如是等法是爲菩薩十種大利此卽不思議善利所轉若諸菩薩如是住者此卽說名善得大利時佛讚言善哉善哉汝諸大士善說菩薩所得大利說是法時會中有三萬六千人發阿耨多羅三藐三菩提心尔時海意菩薩摩訶薩白佛言稀有世尊多所

饒益修大乘者一切衆生聞諸天人雖受天人中樂乃能親近無上涅槃最勝妙樂世尊有幾種法而能隨轉攝受大乘復有幾法于大乘中而能多作復有幾法于大乘中而極難作復有幾法增長大乘復有幾法于大乘中而爲障難世尊復以何緣說名大乘佛告海意菩薩言汝當諦聽我今爲說海意當知有一種法攝受大乘何等爲一謂不忘失大菩提心復不放逸海意復有一法攝受大乘謂信所作悉隨業報復有一法謂起正見于緣生法不相違背復有一法離愛非愛于一切衆生起平等心復有一法隨住

7 8 9 10 11 12 13 14 15 16 17 18 19 20 1 2 3 4 5 6 7 8 9 30

大慈而自救度。復有一法起大悲心不著已樂。復有一法稀求佛身隨念于佛。復有一法依法真修隨念于法。復有一法住不退轉衆中隨念于衆。復有一法蠲除一切煩惱隨念于捨。復有一法常不忘失菩提心故隨念于戒。復有一法住清淨法隨念于天。復有一法隨住利樂令他歡喜。復有一法住堅固意極善樂欲。復有一法起歡喜心爲一切衆生施作解脫。復有一法從甚深法如理出生勤求正法。復有一法不以財利之心而行法施。復有一法于聽法者作病人想。復有一法于所說法如良藥想。復有一法已說法。

者如醫王想。復有一法常行衛護。令法久住。復有一法令三寶種不斷不絕。復有一法無貪相續常生喜足。復有一法捨諸所有不起憂著。復有一法雖自守戒而常將護諸破戒者。復有一法諸惡作者不觀彼過而住于忍。復有一法諸善作者現起饒益而住于忍。復有一法于背恩者起悲愍慧。復有一法于知恩者起恭敬悲。復有一法于無智者不起慢心。復有一法于有智者隨彼受學。復有一法深固善根心無厭捨。復有一法于諸善法心常隨轉。復有一法于諸善法心常隨轉。復有一法無詎曲故三戒清淨。復有一

法于說法者愛敬承事如師尊想復有一法捨諸外道文籍善聽正法復有一法修諸善根雖復艱苦于生死中亦不疲懈復有一法于現住世及已涅槃諸佛如來承事供養而無厭足復有一法與諸衆生爲不請友復有一法以無依無取無著之心修四攝法復有一法了知在家諸過失已常樂出家復有一法于正士之業常自開發復有一法所作決定住菩提道增修勝行復有一法于同住大乘者不生惱恚復有一法教授菩提心法不生疲懈復有一法善護祕密法使不流散復有一法常當勤求法工巧智復有

一法以真實語建立法幢復有一法所發誓願當令畢竟復有一法以無變悔心均行布施復有一法常當覺了諸魔事業復有一法常憑發起離慢智業復有一法遠于知識樂居安靜復有一法離增上慢及貢高心不起他謗復有一法雖復了知諸煩惱已而亦隨順世間行相復有一法淨命自資離諸貪染復有一法深固相應而常宴坐復有一法雖復多聞而常宗定復有一法如理正修瑜伽行地復有一法如實伺登空境界法復有一法于其利衰心無高下復有一法怖畏憤闡獨處園林復有一法若得法利與

7 8 9 10

1 2 3 4 5 6 7 8 9 20

似

他同分復有一法善解四聖諦智復有一法于諸智法而無祕惜復有一法爲未學者成辦學文心無高勝復有一法若得若失信業報故不生熱惱復有一法恭敬聽法之者善爲說法復有一法于親友中離諸貪愛于一切衆生起平等心復有一法于說法師所不起誚心而常讚歎復有一法以調順心故何儕一切衆生復有一法于諸波羅蜜多相憑勤求復有一法精進長養菩提道行復有一法建立信根令無動轉復有一法于國城中不空受食復有一法積集七種聖財而不匱乏復有一法內意真實安固命根

復有一法以方便善巧成熟衆生復有一法行法施故而善攝法復有一法離諸諍論說最上法復有一法以無所得心聽受正法復有一法離沙門垢故而成沙門復有一法以無染愛心入王城聚落復有一法常當伺營過失善護一切衆生復有一法棄捨世間諸雜執者復有一法于善知識所常當誠實復有一法自心清淨已起智復令一切衆生心得清淨復有一法無虚假故內意清淨復有一法趣向最勝道故淡心清淨而此一法善作勝業方便清淨復有一法福清淨已諸相清淨復有一法智清淨已煩惱清

淨復有一法衆生清淨已剎土清淨復有一法雖觀無相而善回向復有一法修隨順忍復有一法于三解脫門常當伺營修習出離復有一法住無所住復有一法證漏盡智神通游戲復有一法住于止觀所作成辦得明解脫復有一法勤修方便所攝之慧復有一法住三界輪得菩提場莊嚴復有一法謂一切法平等現成正覺復有一法攝受大乘謂一切法自性無性無生無起如是知已卽得無生法忍海意此之一法而能攝受大乘如是等一法攝受大乘已餘諸攝受依止而悉捨離復次海意有二種法于大乘

中而能多作何等爲二一者于佛法中生淨信解二者不樂聲聞緣覺乘法有二種法于大乘中而極難作何等爲二一者自解脫已善護未解脫者二者隨爲彼說解脫之法復有二法多作一者常不壞滅大菩提心二者伺營衆生善爲建立復有二法難作一者觀菩提心猶如幻法二者觀一切衆生皆悉無我復有二法多作一者心無厭離二者所修方便而不虛假復有二法難作一者内心清淨而爲根本二者無作無不作故修諸福行復有二法多作一者勤修善根方便二者所修方便而令畢竟復有二法難作

一者無戲論故而修方便二者所修方便住畢竟故其心宗淨復有二法多作。一者淡心趣向勝道。二者于最勝法中作最勝所緣復有二法難作。一者說悔自罪。二者出離他罪復有二法多作。一者捨諸所有。二者不求果報復有二法難作。一者起平等心而行施捨。二者善能回向復有二法多作。一者護戒無缺。二者不求生天復有二法難作。一者于毀戒者起悲愍心。二者自具戒德不作貢高復有二法多作。一者善樂于忍。二者回向菩提復有二法難作。一者捨離高心。二者尊敬忍者復有二法多作。一者發起精進。

求諸善法。二者于諸善根生歡喜心復有二法難作。一者身心宗靜。二者心離依著復有二法多作。一者積集禪支。二者心業調暢復有二法難作。一者不著禪味。二者不厭欲界復有二法多作。一者勤求正法。二者常生法欲復有二法難作。一者同營于法。二者于法宗定復有二法多作。一者親近善友。二者于師長所增加尊重復有二法難作。一者專勤承事。二者善言隨順復有二法多作。一者于時非時而常請問。二者隨所得義領納于心復有二法難作。一者修義智。二者修法智。復有二法多作。一者聞財無厭。二者

聞慧無狀復有二法難作。一者伺登淡固之法。二者遠離不淡固法。復有二法多作。一者如理爲他說法。二者于聽法者起悲愍心。復有二法難作。一者于法不吝。二者不以財利之心爲他說法。復有二法多作。一者止息外聽。二者攝受諸心。復有二法難作。一者息除五蓋。二者修七覺分。復有二法多作。一者獲得歡喜。二者喜受相應。復有二法難作。一者知法知量。二者知自境界。復有二法多作。一者信于業報。二者善修勝行。復有二法難作。一者解了諸非業報。二者增長一切善法。復有二法多作。一者出誠實言。二者

不誑聖人。復有一法難作。一者如說能行。二者不壞佛眼。復有二法多作。一者身業清淨。二者離三不善。復有二法難作。一者觀身猶如影像。二者觀如艸木瓦礫。復有二法多作。一者語業清淨。二者離語四過。復有二法難作。一者解悟不可說法。二者辯了諸聲。猶如對響。復有二法多作。一者心業清淨。二者遠離貪瞋表見。復有二法難作。一者内心宗止。二者外無所行。復有二法多作。一者修慈心觀。二者于諸衆生起平等心。復有二法難作。一者心如虛空清淨無垢。二者自度度他而善回向。復有二法多作。一者常不

厭離大悲之心。二者勤修善根而無懈倦。復有二法難作。一者同營無生。二者普護出離。復有二法多作。一者遊戲法園。二者除厭離心。復有二法難作。一者圓滿宗默之法。二者未具法者而令修行。復有二法多作。一者捨離愛染。二者斷諸損害。復有二法一者修于捨行。二者觀營衆生而無艱苦。復有二法多作。一者修念佛觀。二者住于無念而起念心。復有二法難作。一者觀于法身。二者成辦諸相好身。復有二法多作。一者修念佛觀。二者成辦諸衆生法。復有二法難作。一者同營離貪。二者于其貪行衆生起大

悲心。復有二法多作。一者隨念諸菩薩衆。二者歸向不退轉衆。復有二法難作。一者觀營無爲。二者護得果者。復有二法多作。一者隨念于戒。二者常不忘失大菩提心。復有二法難作。一者同營無加行戒。二者攝受將護破戒衆生。復有二法多作。一者隨念于捨。二者捨已不生變悔。復有二法難作。一者蠲除已之煩惱。二者爲衆生說斷煩惱法。復有二法多作。一者隨念于天。二者不求生天。復有二法難作。一者住正念慧。二者散亂心者令住念處。復有二法多作。一者增修福行。二者增修智行。復有二法難作。一者善修。

7 8 9 10 11 12 13 14 15

16 17 18 19 20

經

法華經疏卷第十一

十一

似

無加行智。二者于諸福行不生厭離。復有二法多作。
一者超越諸著。二者于諸愛著悉能解脫。復有二法
難作。一者極善樂欲。二者不生詭訐。復有二法多作。
一者知恩。二者報恩。復有二法難作。一者斷除欲貪。
二者于善法欲而無厭棄。復有二法多作。一者說悔
諸罪。二者不作諸罪。復有二法難作。一者不起惡作。
二者不起隨眠。復有二法多作。一者隨喜他福。二者
自福無厭。復有二法難作。一者于一切罪起盡滅智。
二者于一切福起長養智。復有二法多作。一者勸請
諸佛。二者護持正法。復有二法難作。一者雖知法界。

本無分別。二者智善分別說諸句義。復有二法多作。
一者善解回向。二者隨所回向與一切衆生共之。復
有二法難作。一者決擇無相。二者修諸有相。復有二
法多作。一者雖觀于空。二者觀照衆生。復有二法難
作。一者慧起悉無所樂。二者方便而有所樂。復有二
法多作。一者稀求善根。二者爲諸衆生成辦善根。復
有二法難作。一者修習無願。二者積集所生之智。復
有二法多作。一者無著。二者無動。復有二法難作。一
者無慢。二者愛樂。復有二法多作。一者樂居宋靜。二
者領納宋靜功德。復有二法難作。一者修宋靜行。

者自度復度一切衆生復有二法多作一者少欲二者知足復有二法難作一者省營已之煩惱二者審觀斷除一切衆生煩惱復有二法多作一者安定二者同營復有一法難作一者常省已過二者不觀他過復有二法多作一者自離貢高二者不起他謗復有二法難作一者觀我無我二者觀衆生無衆生復有二法多作一者自常行施二者容受他施復有二法難作一者出離輪回二者度輪回中一切衆生復有二法多作一者勤求波羅蜜多二者隨諸所求波羅蜜多如所說住復有二法難作一者得現量智二

者成辦他智復有二法多作一者不求世間名聞利養二者勤求正法復有二法難作一者不饒益者爲作饒益二者已饒益者而令增極復有二法多作一者所作大慈而無邊際二者所行大悲而無間斷復有二法難作一者已得度者而令證悟二者未得度者而爲濟度復有二法多作一者爲諸衆生成就功德二者無德衆生起大悲心復有二法難作一者不饒益者作饒益行二者已作饒益而無異想復有一法多作一者常作身念處觀二者身住清淨復有一法難作一者雖作身中身隨念觀二者不與身俱起

于尋伺及尋伺道復有二法多作一者常作受念處觀二者于苦樂等受而無領納復有二法難作一者雖作受中受隨念觀二者不與受俱起于尋伺及尋伺道復有二法多作一者常作心念處觀二者心住清淨復有二法難作一者雖作心中心隨念觀二者不與心俱起于尋伺及尋伺道復有二法多作一者常作法念處觀二者常起決擇法智復有一法難作一者雖作法中法念處觀二者不與法俱起于尋伺及尋伺道復有二法多作一者已生諸不善法悉令除斷二者已生一切善法而能守護復有二法難作

一者未生諸不善法防令不生二者未生一切善法當令生起復有二法多作一者常修欲勤心慧四種神足二者應以神足得度衆生而善度之復有二法難作一者雖獲無加行神變二者不動法界能于一切佛刹之中顯諸神應復有二法多作一者自所得自信而無動轉二者諸未信者令具于信復有二法難作一者自心而無雜染二者染心衆生令得清淨復有二法多作一者發起諸精進根二者安住念根不生散亂復有二法難作一者決擇善觀諸精進根二者不著空相而起于念復有二法多作一者于定慧

根勤修諸行一者所修諸行不生疲懈復有二法難作一者智無所行二者成羸衆生而有所行復有二法多作一者于諸煩惱觀離煩惱二者已生煩惱勤求出離復有二法難作一者一切法不和合本離煩惱故二者于三界和合爲斷一切衆生諸煩惱故復有二法于大乘中而能多作一者精進修七覺支一者淡心說覺支法復有二法難作一者不住盡智二者無生智忍復有一法多作一者善行正道二者善知非道不行復有一法難作一者修向道智二者安立正道復有二法多作一者隨順緣生之法一者離

二邊見復有二法難作一者善知一切衆生染因染緣二者善知一切衆生淨因淨緣復有二法多作一者覺知魔事二者遠離魔業復有二法難作一者出離諸魔二者令魔隱伏復有二法多作一者已盡之法復無所盡二者無盡之法而不可盡復有二法難作一者本來無盡二者諦觀諸法剝那破壞復有二法多作一者從初發心而卽伺營大菩提場二者伺營菩提場故不樂餘乘復有二法難作一者初發心時是卽出生菩提場因二者雖復起諸善心而無取著復有一法多作一者生死相續之者爲斷諸結二

者善根相續之者。令其發心不生厭離。復有二法難作。一者若有方分。若無方分。一切善根悉用回向。無上菩提。二者雖復回向。菩提起心。諦觀皆如幻法。復有二法多作。一者令諸衆生普觀菩提。二者已觀菩提。衆生令觀解脫。復有二法難作。一者伺督菩提平等。等故衆生亦平等。二者成熟衆生精進無倦。復有二法于大乘中而能多作。一者發心如理決擇。一切善法。二者發起大悲之心。以諸衆生置涅槃道。海意此之二法于大乘中而能多作。復有二法于大乘中而極難作。一者無生而生。二者無起而起。海意此之二

法于大乘中而極難作。
海意菩薩所問淨印法門經卷第五
校譌

十五葉七行

疑有闕字

音釋

何儋

俗作荷擔。並非荷借。擔俗今正覩。

俗作藝

滴

俗作滴。非今正

海虞信官嚴激助刻于寒山化城菴



卷五

法華經疏卷五

二十一

四

八

二

一

法華經疏卷五
二十一大乘

廿四

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100